

桂林霜傳奇



977661

桂林霜傳奇自序

國朝

書

西興古驛也驛有丞狹隘迫蹙踈躓

驛山馬走

韋斯者猥

俗自厭過客弗顧焉予棲越州六載涉羅剎一江如履闕

馬君宏堦來爲丞予輒止行李驛門數與語初以爲馴謹

儒士也及君出扶風譜系相示始詳其家世於戲忠義之

門顧亦官此耶君曰某家以文毅公難廢世叨恩襲某

兄今列佐領固如舊惟某久困一衿鰥居二十年家壁立

乞升斗微祿養子女耳豈得已耶予聞而悲之爰譜馬氏

顯列仕籍者自別駕公起家生廣文公至總公門乃大

桂林霜 自序

而文毅公挺然繼起殉厥封疆合門靖難年十有四

嗚呼偉矣哉先是天啟辛酉遼左兵變廣文公夜守城

力頗瘁夫人趙氏聞訛言倉卒驅女孫入井率家人死者

四十餘口去康熙丁巳未六十年而廣西難作何其慘也

國初三孽跳梁諸臣死者纍纍然目炬脣鋒赫然史冊卽

釵笄角巾同任國殤者亦難歷數顧皆慷慨捐生雖難而

未極其至也若文毅半載空衙四年土室凍餒餓殍縱橫

階祀間虎俚雉媒魃沙魚餌日陳左右而屹然不動卒至

噴血常山旋斃槩市借四十口藁葬尸陀嗚呼可謂極其

難者矣長夏病瘧百事俱廢瘧止輒探其事填詞一篇積
兩旬成桂林霍院本酷暑如熾攜枕簟就礪樹下臥而讀
之侍疾者愀然而悲听然而笑予且不知其故也他日客
有過予者曰讀君空谷香如飲吾越醞雖極清冽猶醇醴
也此文則北地燒春其辣逾甚豈五齊之法未辨耶抑秫
稻麴蘖湛餽水泉之異性陶器火齊之殊用耶願聞其旨
予驟然曰枚臯飛書相如典冊辛毗寒木劉遜森華夫固
各有其筆也冬日飲湯夏日飲水甘酒母痰燒春辛凍所
宜有間焉子酒家南董也予痞語耳若砭子當求之和

桂林霜

自序

與緩遂召馬君而貽之君不能出一詞淚浪溢卷端再

拜而去乾隆辛卯仲夏鉛山蔣士銓書于叢山館



馬文毅公傳

馬雄鎮字錫蕃號坦公漢軍鑲紅旗人曾祖重德以貢除遼陽都司訓導遷江南太平通判攝蕪湖當塗

會諸有異

政民爭畫其像投効歸後兩邑祠祀之祖與進字復所亦

官訓導天啟辛酉遼有兵禍公率民捍城甚力妻趙氏因

訛言遽驅女孫入井領家人四十餘口同日死父鳴佩字

潤甫從龍入關以部郎出爲汾潞道數立戰功歷官至

江總督善治兵尤知人垂老致仕生一子卽雄鎮也公以

大臣子選用起家工部歷官清要康熙九年撫廣西

馬文毅公傳

平諸劇盜惠政淪浹十三年吳三桂反將軍延齡私處

通挾夙恨遽斬都統孟一茂等三十餘人勒兵出城遣甲

士圍撫署以僞命遺公衣冠脅降是時巡撫尙未設標兵

公束手無策易朝服自經家人急救之不死乃遣僕賀

齋疏遁入京師告變尋又遣承差楊啟祥引長子世濟

繼則托幕客李子燮朱昉及承差唐守道唐正發挾次子

世永孫國楨遁延齡敵得之乃迫公遷土室公拔刀自剄

賊兵奪刀落兵四指公又不得死遂全家被囚者歷四載

延齡百折之不少屈然延齡亦以此感悔觀望不遽赴滇

逆實公持守功也十六年三桂遣其孫世倬收兩粵斬延齡百計誘公降且置盛筵示敬禮公怒罵益甚賊不能堪十月十二日押公至烏金舖使人執公兩幼子相挾制公誓不絕口賊乃殺二子公奪兩頭擊賊遂被害時年四十有四老僕諸應兆等九人見公死交口躍罵賊駢戮之時眷屬尙羈別室聞公變長媳董氏先投縵繩絕仆地觸首面俱碎復上掛死時年二十有七公妾顧氏劉氏女二姐五姐世濟妾苗氏以次縊夫人李氏坐觀之使侍就衾殮然後北向九叩從容自挂時年三十有九其妾婢十八人馬文毅公傳

皆殉焉守兵二人感且涕私記各屍焚而瘞之廣福寺後公與二子等屍暴露四十餘日賊將趙天元過焉側見公展兩臂枕兩兒尸下馬再拜亦殮葬寺側撫蠻寇定將軍傅宏烈時駐兵梧州孫成陳文煥者亦土室中客也乘變逃匿平樂進士袁景星家具公死事狀匍匐梧州求傳申奏

上震悼加公太子少保兵部尙書諡文毅授世濟京卿使世承人監讀書十八年正月二桂死宏烈兵敗柳州執王貴陽盡節明年世濟疏請往迎先人骸骨得允先是上

以飢寒死者凡十九人。雒鎮若不聞者，日以賦詩臨池。自遣姬顧氏、本吳中閨秀，精通小學說文。公撰彙草辨疑十二帙，姬皆手爲旁訓之初。公出撫。

上解御衣以賜，及聞延齡伏誅，度必死，乃以衣授武弁易友亮，使藏匿。先竄懼汚，君賜也。世濟至粵，西友亮獻衣。

述遺言世濟歸奏。

上仍以衣賜世濟，遣勳戚大臣奠醑，諭祭並賜。

御書碑文立墓道，贈李氏董氏誥命如夫官，又特命議授。

四客官授守道正發，啟祥友亮守備世濟，歷黔撫、漕督。


馬文毅公傳

至少司寇世永，以刺史歷運使、國禎官、江南鎮道督餉。

進藏卒于軍，子日炳任金華知府，長子宏基襲，傳領次子。

宏堦官蕭山西興驛丞，公著有笏擊樓集。康熙二十二年。

敕建雙忠祠于桂林府治，祀公及傅將軍宏烈云。



題詞

將軍曾說伏波孫
捍賊孤忠正氣存
六十年來家運厄
一般詩史愴精魂

紅旗耀日鎮南荒
忠義人人自激昂
肘腋變生軍跋扈
空憐腹內甲兵強

大義從容談笑餘
圍城土室好樓居
可憐淑女簪花格
併作孤臣泣血書

銀章埋處土花黏
肯把恩榮與賊覘
早辦黃衫堪報國
不教紫綺拜孫安

桂林霜

題詞

竈下養皆成國士
馬牛走亦樹功名
更將特書嬰白干
古鬚眉盡欲生

表章潛德擅鴻詞
演向攢瑜事更奇
踴躍黎園摹節義
羞將笑貌學分宜

臨汾 王直望 味隴

三孽難連戡定難
煌煌寰鄂滿長安
偏將天末孤臣節
演出生平百姓看

一門兩世萃忠賢
厄運剛逢六十年
碧血輪囷照今古
須知惡死勝生天

兒女牽衣遣遁時儘教鐵漢淚如絲誰知擊賊烏金鋪
雙繡不皺眉

藁草簪花費較讐名姬寶墨最風流丈夫辦得從容死土
室圍城亦雋游

全憑浩氣植綱常竈養義童盡國殤檢點髑髏三十八枝
枝血染桂林霜

人悲卞壺家全覆時較文山死更遲埋印藏衣皆國士豈
惟南八是男兒

穴地孤兒捧玉棺西臺遺客作祠官神絃更自公無渡砥
桂林霜

題詞

骨巖霜六月寒

聖世哀榮恩數稠雙忠廟食炳千秋史臣更爲開生面付
與當場菊部頭

山陰 平聖臺 確齋

長蛇封豕起南滇破鏡鴟鴞競附羶賴有伏波好孫子一
條銅柱拄青天

凌兢難度三冬冷顛頤常聞五夜啼點檢賤良男共女後
先凡十九夷齊

南冠四載鎮幽囚生死真同大海漚萬馬圍中衍筆陣佳

人名士兩風流

二子憫骸血染衣頭顱擊賊手親提忠臣血嗣饒精爽豈
遜吳鴻與扈稽

精忠浩氣有潛移下格豚魚不自知豈獨霽雲能授命羊
頭羊胃盡男兒

屍骸橫野野烏飛馬革包纏願亦違收殮由來是賊黨請
君於此驗幾希

茶毗都作腦臍香樞櫬昇歸選佛場夜半冲天燐火耀人
疑舍利吐奇先

桂林霜

題詞

桃花樂府數東塘仍滯南朝金粉香何似淋漓濡大筆直
教鶻鵲衍綱常

任邱 邊連寶 隨園

伏波銅柱屹千尋瘴雨蠻烟捧日心忍把勲名埋土室不
須重唱武溪深

六詔風腥到八閩淋漓畫壁亦酸辛節毛落盡惟存舌張
許同時社稷臣

囚比文山多一年橘奴橙婢命同捐失身可似圓圓妓舞
扇包羞破鏡前

三世重遭慘異常宗支零落姓名香彥回多壽瀛王樂史
筆窮搜沒地藏

是滑稽文亦典型閒調鳳管續麟經勸忠真有廣長舌寫
向烏絲教老伶
酒闌讀曲燭花紅字字驚人午夜鐘兒女英雄恨都雪幾
人慷慨幾從容

淮南 薛宁廷 補山

烏金月落路昏黃雁影驚寒草着行千古英魂招未得人
間唱徹桂林霜

桂林霜

題詞

四

豫章樂府會傳神墓上尙書恨又新舊院爭誇新誥重當
時一種顧夫人

吳興 紀復亨 心齋

珍重天恩付賜衣闔門視死竟如歸多君一管含丹筆挾
得霜稜帶血飛

不枉西陵渡口行歸來力疾鬪心兵忠肝義膽精靈聚早
把人間瘡鬼驚

甘泉 秦 黌 西巖

寫來生氣戟髯張螯口分明是桂蠹吹度炎荒清似洗河

山新落一天霜

愁中兒女也情深臺妙親教織手臨到得香殘拋玉骨斷腸總是廣平心

受恩深重報恩難合演忠良作例看豈有負薪孫叔子故教優孟肖衣冠

藏孤匿跡劇堪哀幕府當年盡異才感我臨風欲長慟千秋心事付西臺

虞山 顧元揆 端卿

一夕霜飛古桂林艱危九死盡臣心直將頑豔同哀感譜

桂林霜

題詞

五

出新詞淚滿襟

全家碧血委芳叢彷彿鶻啼夜月中遼海灘江同一轍漢京名第重扶風

窈窕幽閨玉雪清邯鄲廝養亦崢嶸烏金鋪下人重過似向田橫島上行

軼事流傳秉史裁特將生面爲重開馬班書法秦黃調併入先生腕底來

新安 吳 賢 魯齋

搢徧新紅碧血深秋風雨泣烏金封狼旣死羈罷殪未

快當年罵賊心

三十八人俱死殉風操凜凜激清商龍門變格傳神作漫
比風流玉茗堂

真州 江昱 松泉

鴻飛猝遇桂林霜毅魄忠魂姓字香自古傳奇無此筆銅
毘鐵板壓當場

土室當年文信國全家殉難似忠宣賀蘭不救終非計漫
恃雄關四壁堅

囚繫忠良死節成逆藩兵燄勢堪驚孤兒遠遁荒城去杵

桂林霜

題詞

六

白程嬰喜並生

顧夫人似衛夫人筆札還能見性真策草辨疑詳註釋閨
中死事勒貞珉

扶風死後傳將軍處處丹心結陣雲千古雙忠祠廟在

御書碑碣峙斜曛

獨秀峯前詔遠頒袍含雲日照仙山編成史筆千秋業遍
灑萋宏碧血斑

震澤 張棟 看雲

錯節盤根萬變嘗從容忍死四星霜可憐親見雙雛慘含

笑歸泉鐵石腸

遺屍顛倒桂林秋冠劍囊釵共一邱三載暫稽淮蔡戮寒
泉誰與薦松楸

彙草重開筆陣圖彩鸞精楷細箋樨不知玉帶生何處曾
伴文山禁室無

炎午曾傳生祭文西臺竹石碎難分間關九死全遺育汗
簡青標讓四君

祇園殞啟骨猶香螭首豐碑賜廟堂却笑疑棺三十六曹
瞞故智最荒唐

桂林霜

題詞

七

四座青衫有淚痕堂堂史筆仰龍門孤忠畫壁傳閩海擬
借宮商更品論

新安 江春 鶴亭

桂林跋扈擁貔貅霜落烏臺夜角收解唱衷忠新樂府漁
樵不數秣陵秋

拜章倉猝出圍城憔悴諸郎問道行天末蠻雲望何處章
江嗚咽作離聲

大書笏擊區高懸彙草樓中手自編要與侍姬論筆陣怒
猊抉石驥奔泉

烏金舖黑喪中丞毅魄貞魂恨不勝贏得夜臺相慰語全
家長傍佛前燈

檢屍義士認無差廟號雙忠祀典加莫向橫江歌竹石靈
旗風捲集神鷗

誦芬得自西興驛秉直原同南董狐想像山堂驅瘴鬼髑
髏提擲血模餉

會稽 吳 璜 鑑南

六十年來慘劫身生同慷慨死同瞑司農一擊平生了可
及全家兩代人

桂林霜

題詞

八

山河殘破得圓圓心事南來一笑捐已駁麗華吾願足又
從天水下樓船

公子艱難赴帝都兩賓辛苦護雙雛西臺更有同聲哭親
繪文山死節圖

繼中丞者傅將軍雙見靈旗下彩雲張許南雷先後事詞
人特筆史公文

山陰 鍾錫圭 介伯

尙書之子廣文孫身是清時忠孝門九乳無聲人睡熟眉
薪一點戒心存

羣蠻跳月勢難降作難先聞左右江莫恃中原小
星早閃日南邦

一領宮袍裏御煙星輶催下夜郎天平生食肉班超相聞
過人間卅六年

大中丞幕客如雲競跨弓刀志策勳一夕蓮花池上聚直
疑談論動星文

鬼兵鬼馬煽妖魔邪正其如不敵何他日變機生肘腋龍
泉恨未到孫和

謂延齡

本來節烈是家常鈴閣無譁笑語香忽報滇南反吳淠一

桂林霜

題詞

九

時迴首憶遼陽

鼻鏡何曾解報恩花翎不戴想烏巾睢陽未陷南雷死同

日男兒有兩人

王孟兩都統

忍答君恩一劍遲沉沉閭闔返魂時天教公死同文信更

作燕山正氣詩

一顆關防值甚錢擲來漢殿角猶全詎知袖裏司農印日

與樓頭芻並懸

遣奴才往遣兒行一紙封章萬里程不比溫嶠輕作別絕

裾單爲立功名

密箒滂溪萬死來白雲漸遠望鄉臺故人尙有陳蕃榻羞
勝王孫泣路哀

趙氏孤難隱袴中誰家複壁許爲傭天生一對扶忠手李
憲朱雲合傳同

土窖曾聞齧雪氈新開土室苦拘攣是霜是雪原無別却
羨蘇卿返國年

元和書脚魯公筋不是拳痕卽爪痕誰信園扉清課在烏
闌紅袖月黃昏

丁公買主遭烹速何苦甘爲反噬徒到底烏紗幾曾戴負
桂林霜

題詞

十

他萬里送頭顱

還朝望斷錦衣歸尙剩團花七尺圍想得開箱重檢過鮮
紅添暈淚痕揮

取義行仁在此朝烏金舖內罵聲高最憐盱眙顏如雪也
附芳名銅柱標

夢破全家午夜鐘不煩慷慨有從容怪來瘴墨吹都散七
朶蓮花倚七峯

蕭寺殘冬風雪淒相攜亡命匿禪棲形容已改精靈在怕
聽鄰牆鬼夜啼

只有唐林風義道如何賊手樹松楸須知先軫如生面不似西僧飲器頭

死節原非要世欽褒忠典自盛朝深一輪寶日中天駐照徹幽沉四載心

化碧埋香土一堆三年無主野棠開白頭畱得闍黎在指說牙牌插記來

竊弄潢池等剎那洗兵洱海慶包戈尉佗黃屋成何用萬古豐碑寫伏波

文章豈賴有團圓忠孝神仙理則然安得赫躡書萬本直

桂林霜

題詞

十一

教張許遍街傳

武康 高文照 秋士

桂林霜目錄 一名賜衣記

卷上

第一齣

家祭

第二齣

粵氛

第三齣

出撫

第四齣

幕議

第五齣

平寇

第六齣

閨誠

第七齣

叛噬

桂林霜

目錄

第八齣

告變

第九齣

脅降

第十齣

遣遁

第十一齣

投轅

第十二齣

再遣

卷下

第十三齣

幽禁

第十四齣

釋帖

第十五齣

誅叛



第十六齣

移帳

第十七齣

完忠

第十八齣

烈殉

第十九齣

客竄

第二十齣

私葬

第二十一齣

議卹

第二十二齣

歸骸

第二十三齣

立祠

第二十四齣

靈合

桂林霜

目錄

桂林霜卷上

大興張三禮椿山評文

鉛山蔣士銓清容填詞

鳳翔楊迎鶴松軒正譜

提綱

副末上

酌江月粵西開府是伏波之後忠臣孝子恰值將軍通逆
 寇門外亂兵如蟻兩遣兒孫四周年月半作飢寒鬼滇南
 孽到中丞罵賊而死闔門三十餘人同心殉節蔓葬荒
 涼寺公子投京朝命下萬里屍骸歸矣草帖猶存賜衣再
 桂林霜
 錫廟建雙忠祀為人臣者可能一一如此

奇人發深省

第一齣 家祭

黃鍾引子 瑞雲濃生國朝冠服淨扮老道隨上 南臺清肅耿耿孤忠自許節

性生所結

使家門傳繡斧幾回看鏡怕勲業難成年華孤負敢說道
 昇平無補

緋衣白簡立朝端頭上峩峩獬豸冠獨坐南牀默思省
 受恩容易報恩難下官馬雄鎮字坦公漢軍鑲紅旗人
 也世居山左登州因始祖英公作尉關東遂入遼籍先
 曾祖重德公以訓導起家陞太平通判崇祀蕪湖當塗

兩邑名宦。先祖與進公亦官學博。高才特識。會却經畧。熊廷弼之聘。雅負當時重望。先父潤甫公諱鳴珮。從龍入關。屢立戰功。歷官兵部尙書。出任兩江總督。順治十一年。以目疾致仕。終老林下。下官以大臣子弟。選用起家工部。遷僉都御史。國史院學士。蒙恩改擢右副都御史之職。原配張氏。乃山東巡撫儒秀公之女。芳齡早逝。吉夢未符。今繼配李氏。乃北直巡撫廷機公之孫女。正靜幽嫻。夙明大義。誕生二子。長男世濟。次男世永。芸牕相守。奮志詩書。庶出二子。世洪世泰。皆在孩提。長媳董

桂林霜

卷上

二

氏端重。宜家生下孫兒國楨。亦多聰慧。下官世篤忠貞。心堅金石。自覺隨班備位。虛生三十六年。若使積愧登庸。不願二十四考。茲當康熙八年十月十二日。爲先祠家祭之期。諸應兆祭筵。可曾完備。淨完備了。生請夫人等出來。一同行禮。淨請介老旦滿妝補服上。

傳言玉女錦誥霞裙。漫比合妻賢母。把青史閨人細數。小

生衣帽正旦滿裝全上。烏巾翠袖。愧膝下佳兒佳婦。小旦

貼旦扮童子。上竹林雛鳳。綵衣雙舞。

老旦相公。小生正旦。小旦爹爹。貼旦爺爺。生夫人。世洪

世泰爲何不抱出來。老旦三兒四兒俱感風寒。適令顧
劉二姬在裏面照看。生原來如此。祭席已完。我與你帶
領兒孫詣家祠行禮去。老旦相公請合。

過曲啄木兒。蘋蘩潔牲幣俱宜。祀之辰籩豆舉。場上設幔香

案副淨末外各自白鬚頂帽補服扮三代先靈暗上列坐介
淨遞香爵照常以次排立介淨請上香生祖父在上不孝
雄鎮夫婦謹領兒孫虔備香帛用申三獻之禮伏惟昭格
拜介願先靈鑒享微誠佑後人式啓前謨不孝雄鎮待罪
烏臺恭逢聖世無闕可補惟有吳三桂開邸雲南財賦充

桂林霜

卷上

三

初辟官黷貨招集流亡驕恣日形略無顧忌前有御史楊
素蘊直斥其奸反爲三桂銜恨後以糾叅無實坐貶而去
倘不幸其言有中呵怕金馬碧雞相向哭便長蛇封豕也
須煩捕雄鎮苟當其任誓不與賊俱生三靈點首彈淚介
生敢讓他許遠張巡兩丈夫

起立介老旦相公何必過慮至此

前腔山河壯將相儲萬里籌邊有褻鄂侶生夫人說那里

話來爲人臣子天下大事那一件不當引爲己任設若會
逢其適夫人你便怎生主見衆掩泣介老旦此不祥之語

不幸之事。妾何忍言。問何來。夫貴妻榮。敢忘却。主憂臣辱。淨咳呀。老爺夫人。這些事。都好預先計較的。當此太平世界。那里見得出來。卽如小人吃齋念佛。也不會認真要白。日飛昇。果然遇見那刀山劍樹的輪迴。就挺身願他一頭。也不過人生一世耳。生老旦說得是三靈點首相笑介。淨便生來命該爲奴僕。到死時身要爭朝暮。小人叫做諸老道。却不道夕死朝聞。也不是迂。

幔上現彩雲。出忠孝節義四字。三靈暗下。小生呀。香烟

燭彩。結成忠孝節義四字。方纔爹媽這番苦志。敢是先

桂林霜

卷上

四

靈默許也。淨奇哉奇哉。生我等就此拜謝合

三段子。祥烟一縷。接心香。無諸有。諸銀花兩株。照丹誠。特書大書。是祖宗浩氣。相凝聚。要兒孫定力。同擔負。抵多少。獨立趨庭來告語。

生老道撤下祭筵。兒孫們退去。衆下。生夫人。我

尾聲平。生義烈。同伊訴也。只爲食人之祿。老旦相公忠義

之事。亦是水到渠成。但素位而行。不須意。必莫羨他滿眼

兵戈。一腐儒。下

第二齣

粵氛

北仙 點烽層隊子引中五嶺天西諸蠻如鬼丑戎裝上烽
烟起誰識兵機淨僧裝上貽笑英雄賊

青草黃茅瘴霧連長鎗大劍倚南天將軍銅鼓無多在

賣與蠻兒算酒錢中淨俺右江王莫扶化丑俺左江王

楊其清國師在上孤等打恭淨二位大王少禮方今春

日晴和正好縱兵劫殺諒那將軍孫延齡庸懦小人不

請翰略又與都統王永年孟一茂等意見不合疎于防

守俺等正好乘機攻破桂林以成大事中淨丑國師算

出萬全衆蠻奴就此起馬衆兩喊走陣介

桂林霜 卷上 五

油葫蘆不怕焦壇上平明大將旗問誰人能聚米看了俺

天魔十萬劍花飛覷着他移營借餉同兒戲却不道賊如

梳還讓官如篋可憐他撇不下子與妻可憐他使不來鎗

和戟靠將軍運走長生地有甚麼八面戰場威

淨俺鬼兵已曾練就二位大王只管長驅直入便了二

賊全仗國師法力廣大也

煞尾共挽習時弓去向堯天吠踏破他高城大壘遙望櫓

檣橫井鬼想是俺王氣斜飛統領着赤脚生黎多採些糖

結伽南薰御衣俺和你結紅巾兄弟做草頭皇帝還靠這

水真兵

老空王一箇大門槌下

第三齣 出撫

中呂 過曲 剔銀燈

生領僕捧 賜衣上

承恩命提封廣右，開幕府軍符如

斗聽龍城萬馬爭馳驟，憑方畧，削除羣寇。俺馬雄鎮，適蒙

聖明召對，恩授廣西巡撫，特賜御衣一襲，用昭寵任。且

回私第，囑令夫人束裝，下官即日起程便了。鳴騶把邊情

細籌，纔得遂班生壯遊。

老旦引淨上天上一封丹鳳詔，門前三丈碧油幢，恭賀

相公上承龍眷，出掌封疆。生纔免山右之行，又拜廣

桂林霜

卷上

六

西之命初膺重任，恐負殊恩，諸應兆，你在家伺候。夫大

公子束裝，擇吉啓行。我今日卽星馳赴任去矣。淨曉得

老旦相公請問盤中所捧何物。生此皇上特賜御衣。

夫人敬謹收藏了。陳子上淨稟老爺兵牌驛馬俱到門

外。生夫人暫別。老旦相公珍重。引淨下。生吩咐起馬行

介合

泣顏子，浙米向矛頭，鞭影遙揮南斗旗，門開處功名三十

通侯，飛而食肉抱陰符，小范胸中有斬樓蘭生縛黃支，畫

麒麟歸來黑首下

第四齣

幕議

末蓮花幕下寄閒身，外抱牒會陪史院人，小生賦罷登樓艱。第一中淨諸侯賓客暫相親，末俺原任淮安司理。同州進士李子燮，外俺原任翰林侍詔休甯朱助，小生俺大興舉人孫成，中淨俺上虞布衣陳文煥，請了坐介。末我等同作馬大中丞幕客，主賓投契不異情親，朋友相依如同骨肉。馬公自到西粵以來，政令更新，規模整飭，似俺管刑名章奏所辦的，如復邊俸，斥蠹員，弛禁約，興民利，清鹽政，勉勞吏，一一舉行，外就是我管錢穀所辦的，省米價，停採買，蠲羨餘，亦皆次第就理。中淨他若絕饋獻，葺學宮，飭士行等件，都是孫先生文筆敷宣，便覺詞嚴義正，只有我挂號的一無見長，不過爲諸公効勞而已。衆陳先生言重了，小生今可恨者，鸞江兩賊未除，兼倚妖僧助虐，塗炭生民，使馬公日晝焦勞，我輩如何叅贊，外不必過慮，撫標雖無兵馬，幸有王孟兩都統心懷忠義，想妖氛尅日可靖也。

桂林霜

卷上

七

仙呂過曲 皂羅袍 辦取王師殺賊料，區區螳臂何足當車管教。赤手捕蚺蛇，會看陰火燒榕葉。况兩賊呵不比徵貳徵側。

豈待宗爺岳爺有甚龍潭虎穴不過鴉林兔窟待三更定報崑崙捷

末此誠不足患却是吳三桂坐擁雄藩將來必倡大亂廣西唇輔相連但恐封疆延禍矣

前腔說甚灘江三蘖夜郎王居然聲勢嘩嘯怕長城飛鳥少牆遮天山傳箭無人射

細推馬公度限又竊觀其五官部位應在四十四歲合遭奇禍今年三十七歲尙好一交四十一歲便不妙矣衆如此怎了小生我聽馬公言論激昂志趨慷慨常云大丈夫

桂林霜

卷上

八

臨事當有賁育不可奪之大節今聽陳先生推測正恐不免耳外末士爲知己者死若果不幸我等誓當始終相助

中淨自古田橫島上紛紛俊傑便是文山幕下昭昭衆客難道是各人自掃門前雪

丙老爺請各位師爺說話末來了正是孤臣矢志防天變義士同心守歲寒全下

第五齣

平寇

淨僧裝仙呂入持劍上雙調二犯江兒水白蓮仙教掌管這白蓮仙教

殺人如刈草把豆人紙馬布滿荒郊搶江山憑這遭俺習

邪教爲僧輔着朱炆假冒前朝宗室拜我國師糾合左江
右江巨寇擾亂廣西已久無人抵敵近日朝廷特用馬
巡撫看他一介書生倒有三分本領今日王孟兩都統提
兵邀戰須索放出白蓮神將擒他便了中淨丑上賊黨膽
真豪王師戰莫塵守着山坳圍着城壕官糧奪來喫箇飽
國師在上孤等今日出戰吉兆如何伏求指教淨併力廝
殺俺自有神兵相助吶喊走陣介劉家大刀是兩箇劉家
大刀姚家廣孝又一箇姚家廣孝捉住他軟將軍定不饒
下外末戎裝領兵上

桂林霜

卷上

九

前腔南雷旗號雙打着南雷旗號把么磨同日勦看沙場

衛霍虎帳蕭曹兩家軍難動搖外俺都統王永年末俺副

都統孟一茂外奉撫軍馬公之令合剿莫楊二賊就此出

城末聞妖僧邪術利害亦須準備外不妨適纜馬公密將

欽賜御衣交付與俺云若遇妖兵便將此袍展開撒去仰

仗聖主威靈自然萬邪俱滅矣末既如此軍士們奮勇

前去殺賊者吶喊介內史鬼兵挑將軍面具拋說甚黃巢

說甚儂高雷震一轟何處跑淨暗立高處介丑中淨上與

外末接戰介丑中淨佯敗下淨持劍訣指鬼兵出戰外持

御袍一撒鬼兵散走外未擒丑中淨介淨下逃走介哎呀
不好了我這軍師不穩了不如取出隱身草來遮住了罷
取草插頭上閉目立介衆兵上捉介淨胡說你們不看見
我如何混捉起來衆禿賊我們怎不看見你淨哪我頭上
有隱身草衆隱身草隱身草一刀把你這葫蘆切斷了淨
且慢且慢殺便讓你殺你到底不會看見我殺介外末上
妖僧伏誅二賊生擒就此收兵入城向撫院報捷去合金
鞭共敲笑吟吟金鞭共敲貔貅移竈齊匝匝貔貅移竈請
看這出茅廬第一遭下

桂林霜

卷上

十

第六齣

閨誠

日滿梳上

仙呂引子

卜算子牆懸案圖壁寫家人卦梧竹陰

中兩鳳栖莫被金丸打

退道

列女傳佳頻展玩二南詩好細吟哦居常處變求無忝
易地皆然未足多奴家董氏年方二十四歲乃現任山
東陵縣令君實公長女廣西巡撫公子馬世濟之妻也
家父三韓世族一榜名家奴家幼習詩書喜談節義自
隨公婆赴任已來不覺三載我公公勤勞王事夙夜在
公婆婆內政嚴明不違安逸奴與馬郎孝敬承歡庭闈

半性分

和悅正是鈴閣無譁春晝永。蠻疆多事。蓋臣憂道言未
了。婆婆出堂來也。小旦貼旦。漢妝侍老旦。滿妝上。

前引鼓角靜無譁。琴瑟商聲發。說到官尊報稱難。暗淚同

霑灑。

旦見介婆婆。二旦見旦介少奶奶。旦答禮介二位姨娘。

老旦你們都坐下。三旦告坐了。旦東坐。二旦西坐。介老

旦媳婦。我夜來夢見祖姑趙太夫人端坐中堂。朗吟道。

入井三千尺。生天六十春。門題忠節字。又喜見完人言。

畢鴛鴦而去。不知是何緣故。好難猜度。旦媳婦向聞趙

桂林霜

卷上

十一

太夫人殉難一事。未知詳細。敢求婆婆縷述一遍。老旦

昔在天聰辛酉之歲。遼陽兵變。其時三月二十日。老祖

公公以貢生率領兵民晝夜守城。不遑返舍。忽有小二

訛傳城池已破守者皆亡。趙太夫人乃囑小婢金菊曰。

馬家一綫之嗣。未可遽絕。我已暮年。孫女弱齡。豈可落

在他人之手。乃抱女孫共投井內。那日色剛剛正午。泣

介三旦亦泣介老旦

香歸羅袖朱欄低。亞。驚。梧。雙。下。可。憐。他。墜。并。銀。瓶。不。比。那。

凌波羅襪。彼時同死者七人。其自縊者則三叔祖母魏氏。

家補敘

誣謂善者其
甘如薺貞殺
所見大抵峇
同

及嬪母羅氏王氏還有四叔祖母胡氏則剖腹而死祖姑
適田門者觸柱而死適王門者排牆而死姑母適卜門者

嗔喉而死痛捐軀一家痛捐軀一家或投繯同掛或磨并

自殺等泥沙且此雖一時不幸却是千秋正氣青史流芳

婆婆也不必感傷了小旦妾前日在老爺草書帖內曾見

趙太夫人本傳不覺心痛謬作長歌一首紀事謂巾幗之

人庸碌而享富貴者遍天下若趙太夫人可與日月爭光

矣歎美人有壽未為佳算芳名不朽纔非假老旦顧姬所

言信為正論貼夫人依妾身看來凡男女臨難稍有名心

桂林霜

卷上

七

者即非上乘此不過隨遇而安豈復知捐生效死為迫子

患難者乎只當逢場作耍博個臨危不差老旦妙哉劉姬

所言更覺去來無礙生死自然看你小小年紀却有這些

見解須知體出原無竇信是蘭生自有芽

巨媳婦想起來前年家祭之日燭彩香烟結成奇字莫

非是趙太夫人示現麼老旦這也說得有理丑婢上報

夫人不好了朝報到來說雲南吳三桂造反聖旨復

起孫延齡為廣西將軍老爺出城迎接去了老旦咳東

南從此多事矣丑下

一封書跳梁起怒蛙。故將軍新戰馬。漁陽鼓亂。攪弄烽烟。誰撲打那孫延齡與王孟兩都統。向有仇隙。此來必圖報復。莫問鄉鄰爭鬪事。只恐蕭牆生禍芽。旦朝廷赦以不死。又復棄瑕錄用。使之專閫。未必敢于尋釁。萬一興波。公公自能箝制。老旦媳婦。你不知道。撫標無兵。權歸將帥。你公公縱有應變之才。其如討賊無助何。拂袍花。建高牙。怕赤手長鯨不可拿。

丙鼓吹介老爺回衙了。隨我進去。全下

第七齣 叛噬

桂林霜

卷上

七

隙子引淨扮仙呂八
孫延齡上雙調

普賢歌。看來天意在雲南。不戴烏紗。也是慙怕地受官銜。蠟丸通兩三。殺盡驚人。纔認得暗。

咱孫延齡。乃定南王孔有德女婿。本是廣西將軍。前被

都統王永年孟一茂。上本叅劾。幾乎性命不保。被我千

方百計。纔得瓦全。今因滇藩起兵。咱得官還舊職。我想

吳三桂國富兵強。必成大事。昨已遣人私下降書。蒙他

收用。本待另立旗號。改變衣冠。礙着王孟二賊。恐多掣

肘。况他是我仇人。若不先行殺却。將來難遂吾志。那馬

巡撫一個書生。又無兵馬。不足介意。左右。今日甚麼日

子了。幸今乃康熙十三年二月二十七日。淨嘆誰問你
年月來。卒恐將軍過得糊塗了。淨少打。你們等兩都統
來時。看我擊劍爲號。即便拖翻細綁。不可悞事。衆得令。
外末上豺狼匪怨何須畏。烏鵲同行也不妨。外俺王永
年未俺孟一茂。外將軍傳請議事。且同進見。八見介將
軍在上。某等打恭。淨請坐。外末不知將軍相召。有何見
諭。淨俺昨夜仰觀天象。雲南王氣甚旺。聖公以爲何如。
外末起立介呵呀罷了罷了。合言天譴。兩軍相見。

風八松一霎裏衝冠髮指怒難堪。不道他渾身是膽。淨你

桂林霜

卷上

丙

兩個不知天道。更有何言。外哏。逆賊你未識人倫。焉知天
道。你逆天悖主公。公然敢更說甚蒼蒼元覽。淨你兩個匹夫
莫非又要上本。參我麼。外逆賊。你刀頭剩魄。蒙主上不
殺深恩。再加倚任。不知洗心圖報。輒敢反面猖狂。淨今日
就猖狂些。誰敢奈何本帥。末改。喪心賊子。俺與你鬪甚口
來。外末合恨不把司農芻當頭擊讒。將你魚鱗剮。始心甘
淨擊劍介左右與我綁了。衆綁外末介淨

前腔笑狂奴不用口喃喃。可記得前番欺俺。外末我二人
生不能爲。朝廷殺賊。定爲厲鬼報仇。淨大笑介你且去

做兩個厲鬼來。便彭生伯有多遺憾。且把你頭顱雙砍。外末都統乃。天朝上將。你敢擅自殺戮。那馬撫臺斷難饒你。淨不須過慮。他少不得就到鬼門關來奉陪。外末阿呀。罷了罷了。淨他只有大關防文書一函。黃金甲是領舊朝衫。

特筆表之

左右將這兩個拿去。同官廳各將一齊斬首報來。卒得令。押外末下。卒持首級上介。啟將軍這是王永年孟一茂首級。又一卒這是副都統戴良臣。參領徐文登首級。又一卒這是佐領嚴朝綱。分得撥什庫。時有鳳首級。淨桂林霜。

卷上

去

掛向轅門示衆。三卒回應下。淨妙哉眼中拔去二釘。背。上猶存一刺。衆軍士卽速前去。將巡撫衙門團圍圍守。本帥卽刻提兵出城。向三十里外。安下營寨。一切公文移會。不得賫發。俱送本帥拆看。衆得令。淨。

前腔把行衙圍緊似繭中蠶。禁止軍民窺探。要書生俯首歸依。咎洩機密。一齊收斬。明日將此情節。報知吳王。定頒厚賞也。把開國元勳自擔。威名播似章邯。繞場下。

第八齣 告變

丙炳賊生南。太師引鎮封疆。麾下無兵將。閉軍門。教我將急上介。呂。

何抵當。下官馬雄鎮。承命巡撫廣西三載。去冬吳三桂反。叛雲南。已覺憂連唇齒。不料將軍孫延齡私通逆賊。今日公然作亂。殺害各營將帥。勒兵出城駐扎。又遣兵馬圍我衙門。不許文書出入。我手無寸權。身餘一劍。焉能支架得。在罷罷罷。惟有一死報國而已。換朝服介念奉職孤臣。無狀不能支。變起倉皇。北向跪介。臣馬雄鎮孤立無援。不能討賊罪該萬死。謹望闕叩謝。天恩合羞九地。犬馬丹誠。

來生圖報。叩頭哭介歎力薄難勝保障。孤負這河山雄壯。

起結帶上掛介愧一死鴻毛自傷。怎能學江淮遮蔽老雕。

桂林霜

卷上

夫

陽縊介淨扮老道上

三學士門外兵戈纔擾攘。主人甚法籌量。砲火連天。喊聲

震地。衙門圍得鐵桶一般。不知老爺何處去了。呀。不好了。

夫人公子快來。老旦小生奔上遍尋踪影。爭疑訝。忽聽驚

呼欲斷腸。老道怎的來。淨老爺自盡了。同哭介淨且慢悲

啼。一同解救。共解生下扶坐介。旦董氏持湯盞。小旦世永

貼旦國禎同奔上。盡室魂飛無話講。灌一口返魂湯。

同叫生甦介生

宜春令排闥闔。訴上蒼。驀然間游魂墜。將老旦老爺醒來。

生夫人我束手空衙偷生無益你們何苦多事小生方纔
賀徵上樓眺望牆外兵馬雖多却無一人敢入轅門囉呢
那吶喊之聲乃孫延齡提兵出城並非前來加害爹爹尙
須畫一長策爲是生罷罷罷我當忍死立草一疏遣人飛
奔京師告變去爾等且退老旦旦小生小旦貼旦掩泣同
下老道研墨生寫本介裂麻封事邊城鬩卵難名狀廣西
巡撫右副都御史臣馬雄鎮奏爲密報事本月二十七日
將軍孫延齡將都統等盡行殺戮發兵遠駐城外三十里
又埋伏兵馬將臣衙門圍守一應文移不許賫發盡行拆
桂林霜

卷上

七

看臣叨任封疆義惟死殉然恐徒死無益只得小忍須臾
以待援兵如不能待臣亦惟合家殉難以報隆恩封疆將
陷刻不能支除設法密報提督外專差家奴賀徵問道潛
逃匍匐上奏伏乞天聖裁拯救速解倒懸封疆幸甚官民
幸甚要祈求廟算威靈來殄滅鯨波鱗浪封介下拜介我
這丹心一點至誠向天稽顙

叫賀徵來丑上有生你將此奏疏緊密收藏連夜踰牆
混出城去星馳到京向朝門遞上不可有悞丑小人曉
得交奏疏丑納懷內叩辭介老爺保重小人去丁生去

罷洒淚下生諸應兆。你家世代銅匠。你可曾習學麼。淨
小人自幼隨着父親。在禮部鑄印局承值。不但別的銅
器。就是官印。都會鑄造。生如此妙絕。懷中取出印。此
乃巡撫關防一顆。你可卽忙將銅器銷毀。照樣鑄成。此
印淨老爺私雕假印。是有罪的。小人怎敢。生胡說。依我
吩咐淨老爺要兩顆關防何用。生你那裏曉得。我看孫
賊如此光景。必來奪我印敕。朝廷重器。豈可輕落賊
手。故爾預先辦理。淨老爺如此遠慮。小人就去起爐了。
大趂鼓把銅斤一火煬。親摹文篆。製造精良。生槐不能麟。
桂林霜。

卷上

大

符倒用搜奸黨。只好死抱金章瘞北邙。內又吶喊介。隨我
登樓眺望去。且倚着批斗欄干遙望。帝鄉全下。

第九齣 魯降

丑扮孫延基引末小旦二。甲四邊靜丑送來圓領烏紗帽。
兵持紗帽圓領敕書上。

式樣雲南造。管取拜新恩。無須衍虛套。俺孫延基奉兄弟

將軍之命。將雲南頒到衣冠。及兩廣總督敕書一道。送與

馬撫院。勸他歸順。只得前去。末那馬大人是個忠臣。只恐

不受。丑若還不要。也難丟掉。發往戲箱中。將就賣錢鈔。

我坐在官廳。你去通報。末號房號房。巡捕官。巡捕官人

影都不見一個老爺聽稟。

前腔號房號簿沒處找。巡捕官也溜了。號禮沒人爭。門包都不要。丑難道一個人也沒有麼。末只有一乘八轎。三尊空砲。大門打不開。請爺自家叫。

丑待我來叩介開門。中淨門軍上大老爺。年年辦事辛苦。今年要將息將息。免你們上衙門。明年來罷。丑胡說。若不開門。我們放火了。中淨開了你們何處來的。這等要緊。噫。想是辦春官的麼。丑好打。還不叫二門。中淨夥計開二門。外門軍上什麼事情。呀。送戲來與大人解悶。桂林霜。

卷上

九

因何不擡箱子來。單拿這頂紗帽。丑我們將軍差來要見大人的。快叫宅門。外這個弄不來。

前腔宅門緊閉難通報。只有個諸老道。他年高耳聾。請爺大聲叫。小的們悶的口燥。坐的肉跳。今日喜開門。且出去看熱鬧。

全中淨下丑不成樣子。待我叫來。裏面有人麼。開門開門。淨老道上。

前腔闕防鑄就天知道。轉桶甚人叫。葷腥久斷除。水菜向誰要。丑開門。淨向轉桶窺介。什麼人叫門。丑我乃孫將軍。

正爲不知老
諸者棒喝

差官要見大人的快開門淨有何話說丑雲南有敕書封
你大人做兩廣總督現有紗帽圓領送來快去稟知出來
迎接淨笑介這般封號這般衣帽莫說大中丞我老諸也
不要

候着我進去說一聲來末如何我說這禮物送得不妥
一定要壁謝呢丑且等他出來淨上來來來大人說

前腔這都堂只有你將軍要謀反真胡鬧丑紗帽圓領是
要收下的淨大人說你家將軍又不是前朝舊宰官又不
是戲子裝強盜既要謀反就大方些索性把撫衙燒掉撫
桂林霜

卷上

三

臣殺掉何用逞威風遠遠放鎗砲

丑將軍說大人不受總督之職可將巡撫勅印交付我
們帶去淨候着待我再去稟末不受禮物反要他的東
西如何使得丑且看他捨得麼淨持敕印上來來來這
敕印你捧了去遞出介

前腔大人說關防一顆同丹詔而今都不要叫你將軍卽
來兼攝我病體怕爲官他君恩自圖報還有一句話說若
要大人腦袋早些來割了去話已說明去罷不須囉哩不
須聒噪我老人家連日筋骨疼進去睡一覺

阿彌陀佛。閉轉桶下丑掃興。掃興。王送禮不收。答禮甚厚。好撫院。好忠臣。丑。哇。狗才。什麼忠臣。難道我們弟兄。倒是奸臣麼。轉去回覆將軍罷。

前腔。鰐魚不上金鈎釣。忠臣沒材料。懶穿繡羅袍。喜戴剪絨帽。末。往常求做大官。不能得勾。今日送紗帽上門。沒人肯戴。說甚府廳司道。陞遷降調。督撫也希鬆。只有俺孫爺不害哨。丑。放屁全下。

第十齣 遺遁

生馬商 山坡羊。悶沉沉。叫不應的天地。恨悠悠。盼不來的公上調。

桂林霜

卷上

三

兵衛急煎煎。掙不破的網羅。怒吽吽。展不出的蛟龍勢。我

馬雄鎮。被孫賊圍困月餘。督提兩處援兵。杳然一籌莫展。

昨日孫賊遣人持衣冠前來。逼我出投偽職。我閉門不納。

他又討我的巡撫敕印。隨將假造關防。誥敕付去。雖然暫

用權宜。眼見封疆立陷矣。我心骨悲恚。得做沙場征戰鬼。

就是屠腸抉舌。成何濟。說甚底節士。臨邊聽鼓。罄窮鞫。閉

雕籠。無路飛空。遺裏鴟夷一個屍。

前遣賀徵告變。不知可能上達。天聽。我不免再草一

疏。叫大兒世濟親齋赴闕便了。世濟那里。小生引淨老

道上爹爹有何吩咐。生逆勢雖深。人心自回。若得一旅
之師。疾攻其外。加以從中策應。破賊可期。我欲再寫一
疏。付汝潛行北上。倘得所請。勝于相聚待死多矣。你可
願去麼。小生我家世受國恩。當此危迫。孩兒寸心如
割。恨不手刃延齡。以雪君親之恨。若得借此請纓。庶不
虛生人世。生好。這纔是我馬雄鎮之子。老道你可密喚
承差楊啓祥進來聽用。淨應下。生孩兒卽刻束裝。我進
去寫本也。下。小生母親娘子快來。老旦引旦上。
梧葉兒遭窮困。遇顛危。楚囚般相向啼。此中洗面。但餘清
淚。呼喚堪疑。莫不是援兵至矣。

桂林霜

卷上

三

我兒何故慌張。小生母親時事已急。爹爹遣孩兒齋本
潛逃。赴京請救。少刻就要起身。故請母親出來拜別。老
旦戎馬倉皇。兵戈滿眼。你一個瘦弱書生。如何去得。兀
的不痛煞我也。

二郎神風烟遠。甚書生代王臣。勞瘁更出入蠻荒生死地。
家懸虎穴。此行不但生離。小生母親請免愁煩。有弟三人
歡繞膝。况復有童孫堪戲。娘呀你且免悲啼。只當做當年
未養孩兒旦。

六字慢婉

轉句至情

音暢

前腔淒迷傾翻瘴海都成別淚怕骨肉今生難再會雙親
未老風塵不見萊衣小生娘子何出此言且相公事已至

此同困無益你此去若得一旅以救生靈實乃廣西之福

設有不幸我普當有以相報斷不貽羞夫子也小生泣介

娘子盡心侍奉不要念我了那無子人家全靠媳况不是

封侯夫婿相抱大哭介妻呀你且免悲啼只當做生來黃

鵠單棲生持本上

黃鶯兒九死志難移答君恩一劍遲封章血染孤臣涕夫

人存亡未知媳婦團圓可期男兒各有當爲事我兒免悲

桂林霜 卷上

啼登車慷慨豪氣自淋漓

淨上楊啟祥喚到了生夫人媳婦進去罷老旦孩兒早

去早歸且相公保重泣下淨引丑上楊啟祥叩頭生聞

賊營連日大宴必定疎防你可與大相公改裝星士穴

牆而出同赴京師一路須要十分小心丑理會得小生

孩兒就此拜別生罷了本章一封火牌二道你收好了

小生收本拜哭介

簇御林情無奈事不齊痛牽衣初別離受熬煎短盡了英

雄氣把叛逆同兒戲生自禁持函關夜度辛苦聽鳴雞

白描刺骨直
奪元人之席

三樣聲情

中有聲百派

淨付丑行李小生引丑下生

尾聲閃天狼橫妖彗羞煞我四郊多壘兒呀惟願你壯士還家着錦衣下

第十一齣 投鞍

小生馬世濟持傘丑楊中呂粉孩兒合慌慌的度蠻疆天啟祥持卦命招牌全上過曲粉孩兒合慌慌的度蠻疆天樣遠竄淫溪毒嶺崎嶇都遍割愁峯如劍青刺天助哀吟杜宇江猿俚鬼引虎過驚跌介虎咆哮鬼教周旋二猩猩並肩醉行遇又驚跌介獸猙獰人立啼喘

烏中日月皆特青

我馬世濟四月初一日奉父親之命齎本往京同楊啟

桂林霜 卷上 一

祥改裝星士模樣從地道連夜遁出千辛萬苦九死一生歷遍廣西湖南深林密箐得入江西界內不覺五十二日矣楊啟祥遠望高閣倚空層城歷水是何地方丑大相公那就是江西省會南昌府城了小生如此遵行和你到巡撫衙門去

境同情異惟自知耳

紅芍藥楊僕死地少樓船震濠滅氣靜烽烟一樣的江山太清宴擁油幢不知征戰驥門令肅無鳥喧甚郎君讀書庭院小生楊啟祥老爺夫人此時不知怎的光景泣介丑大相公不要思量罷合料忠良天地矜憐待昇平骨肉重

反擊

此篇出落全
是史家附見

筆法

見下中淨補套朝珠扮中軍上

耍孩兒鼓角聲沉無羽箭。坐聽炎荒信。建牙旗幕府森然。
俺乃江西巡撫中軍官。早鼓已過。各官俱散。且向轅門少
憩片時。坐介丑上。誰憐貴公子。來謁老諸侯。丑總爺在上。
小人叩頭。中淨你是什麼人。丑小人是廣西巡撫衙門承
差奉家爺命令。跟隨大相公齋本上京的。特來叩見大人。
煩爺通報。中淨有何憑據。丑火牌呈驗。這是家相公名帖。
中淨果然不差。聞你廣西大亂。你們大人如何辦理。丑求
爺通報過了。小人漫漫的再稟。中淨外面候着。待俺傳進
桂林霜。

卷上

三

去分下末扮董撫院引二僕上。休衙恰纔得退食。僉文卷
又聽說有客來投見。看名紙。心疑眩。

下官江西巡撫董衛國是也。坐鎮南邦。心懸邊事。適有
馬公子投刺求見。不知粵西如何。下落好生驚訝。左右
快請馬少爺進見。襪請介小生做衣冠上。奔馳到此。存
皮骨。襪禮曾經識亂離。大人請台坐。容世濟拜見。末咳
呀。世兄如何這等光景。不要行禮。請坐。閑話休講。我且
問你尊公大人可安好麼。小生世濟起身。時家君尙爾
無恙。末如此還好。向聞孫延齡作亂。將尊公圍困。數月

十一字中面
面玲瓏

以來無從探問消息。世兄，你且把近况試說。我知小生
大人聽稟家君呵。

會河陽困羽囚鱗。微軀拚捐。封疆將陷。豈求全。未那督提
兩處爲何擁兵坐視。小生家君孤立無輔。前已飛章告變。
孫賊屢以僞命見逼。家君閉門力拒。不與相通。爲此着世
濟領一承差。變服潛逃。仰冀廟謨援拯。孤臣破卵焚巢。
自知不免。敢一死。鴻毛賤。世濟一路涉險。縱幽。萬千狼狽。
今日幸投鞍下。殘生幸得覩君侯。面羽書怕難達。甘泉殿。

如驛茶音

未賢喬梓忠義凜然。愧老夫鞭弭莫及。你可將本章留

桂枝霜

卷上

美

下我卽差飛騎。星馳中奏。世兄你主僕二人。按程前去。
自蒙恩旨。小生懷中出本摺介。多謝大人。未

縷縷金空按劍。漫投鞭。東南同保障。孰籌邊。安得驅貔虎。
提兵相援。把忠臣孝子卽團圓。休誇董公健。真慚董公健。
世兄且去沐浴更衣。暫留一宿。明早當擇良馬二匹相

送。小生大人盛意。何以克當。只是我

越恁好。二親凝睇。二親凝睇。此信倩誰傳。念兒路遠。怎知
道受公憐。末世兄且免愁煩。白雲親舍。天盡邊。難憑夢轉。
征途裏。自索把離憂遣。風塵裏。莫頓使朱顏變。

離騷正曲

襍請少爺更衣小生世濟暫且告退下末咳馬公可謂

有子矣

尾聲看他形容憔悴衣衫變長掛軍門氣浩然愁煞我坐

對洪厓手拍肩下

是江石中丞語

第十二齣

再遣

場右放布牆中開一生小生扮雙調孝南歌人將去夜未

穴內起鼓定更介兩承差上過曲央鳴嗚咽咽清漏長苦月漸過牆愁雞莫爭唱生我唐守

道小生我唐正發生都是馬爺麾下承差前次俺爺着楊

啟祥送大相公入京未知下落近日賊餓日張天兵不到

桂林霜

卷上

三

俺爺因託幕友李子燮老爺領着八歲的二相公朱昉老

爺領着九歲的小相公委我二人跟隨逃走北上兄弟看

來馬爺志在必死故不忍宗支殄滅不但李爺朱爺付託

非輕我與你干係正自不小小生便是適纔後牆已經鑿

穿和你攜了包裹悄悄到彼等候去合你看銅垣高障穴

隙圓通衣裝停當小生哥方纔聽的說老爺寫本時夫人

抱了二相公大奶奶抱了小相公都哭得暈去了倒是三

相公四相公跪在老爺面前道爹爹不要叫哥哥姪兒去

罷哥哥這等光景可不令人腸斷猶如鷹攫雙雛摘下心肝

省文

滿街踏慘一片迷離月台雞愁是何情景

身段好看

只一又字便
有眷念之慟

兩內哭介生你聽一片哭聲想是兩位小爺出來了我們
且先出牆外去度穴介看暮鴉辭樹忙怕哀猿哭聲放

全下末扮李子變攜小旦世永上小旦

前腔初離父乍別娘牽衣拜辭我又當姪姪比吾長哥哥
去誰向李先生你帶我那裏去末二郎不可啼哭牆外都
是賊兵被他知覺就要殺了你爹爹託我領你到京去尋
着哥哥不過一月就回來的况且做公子的要學官人形
狀若是淚眼愁眉不成模樣小旦姪兒去尋他的爹爹罷
了我有我的爹爹我不去末不是這等說爹爹疼哥哥就

桂林霜

卷上

天

激發

如疼你一般哥哥不在身旁便不快活所以要你去尋來
就愈加疼你了小旦兩個弟弟也該去末他們年小不如
你聰明所以只要你去小旦這些話只怕是騙我的末二
郎我這大年紀豈肯騙你小旦哭介末背介咳大人以六
尺之孤託我李子變怎敢不盡心保護抵多少餅店漿家
亡命猶資養小旦李先生你要包我幾時回來我方肯去
末今日六月十七日到七月十七日就回來了小旦如此
我且去一遭兒末好二郎這便纔是小旦母念兒莫痛傷
弟尋兄敢遊蕩全下外朱昉上

前腔交情重。遠慮詳。程嬰報恩。李愷藏。我朱昉承馬公以
長孫國禎兒。託連夜奔逃。那李君已引二郎遁去。爲何小
郎還不出來。哦。是了。敢是乳燕恣迴翔。慈烏不輕放。淨老
道負貼旦。貼旦打老道上。我不去。我不去。淨阿呀。打壞了。
外老道這等可惡。快快放下小相公來。小郎你爲何打他。貼
他要我去尋爹爹。我只要媽媽。不要爹爹的。外原來如此。
老道該打待我。替你。再打兩下。打淨介。淨倒地介。哎喲。一
發打壞了。貼朱先生是好人。外小郎你可曉得老道。爲何
不欺負二叔。專欺負你。貼我不曉得。外爺爺是二叔叔的。
桂林霜

卷上

五

爹爹老道怕爺爺不敢欺負他。只因你爹爹出去了。故爾
欺你。貼哭介。我的爹爹那里去了。外你爹爹在我家下。我
今夜帶你去。明日早上你便扯了他回來。打老道。可好麼。
貼你家在那里。外就在外面街上。貼我母親說。爹爹在京
中呢。外這是哄你的。你若同我出去。包你今夜相見。貼喜
介。如此就去。外你方纔說只要媽媽。不要爹爹。怎麼此刻
又改變了。貼老道欺負我。沒爹爹。所以我要去扯他來。淨
不好了。朱師爺你不要帶他去。貼偏要去。偏要去。外妙呀。
一片天機流漾。破涕爲歡。誰叅真妄。貼朱先生我們快去。

空話白話刺
六心骨

罷纔知無交孩兒只當寄在人家養因負爺且別娘老道
立起介貼喂老道你怕不怕我到明朝有依傍

全下老道笑介妙極妙極下老旦哭上

上字幼勞問

前腔鴻方杳雁又翔先飛後飛都渺茫容易各分張辛勤
我生長相公將兒孫以次遣去枉自夫妻相向這兩個屍

一句敵一首
哀江頭

骸何人埋葬說甚富貴孩童誰更知疼養老道上夫人不
要過傷了老爺在內相請老旦咳九歲孫八歲郎心坎中

十二字杜詩
韓筆

眼皮上哭下淨全下旦哭上

前腔夫拋婦子撇娘此身子然存若亡螢火暗空房鬼氣

桂林霜

卷上

三

昏羅帳國頑我的親兒呀已是夫妻絕望更把一縷殘魂

隨兒飄蕩少甚麼彩鳳文鸞苦命人偏兩小旦扮顧氏上

夫人到處尋你却在此處啼哭少奶奶須索解免些罷且

咳顧姨娘呀你叫我如何解免哪小旦事到頭休忖量小

官兒能勾去了只恐都是長命的哩你看留下這兩個小

孩子還怕禍臨頭不知怎生樣全哭下

總射完其

桂林霜傳奇卷上終

桂林霜卷下

大興張三禮椿山評之山河病身

鉛山蔣士銓清容填詞

鳳翔楊迎鶴松軒正譜

第十三齣

幽禁

丑扮孫延基 失閉玉籠飛彩鳳。恐開金鎖走蛟龍。不如引四兵上

另結新羅網。收拾長鯨在此中。俺孫延基今日兄弟將軍說道。昨日京中信息。六月二十一日。旨意已放了。

陳洪明為廣西巡撫。方纔曉得馬巡撫于四月差公子

桂林霜

卷下

逃出衙門。往京上本。朝廷差員外阿蘭泰筆帖式朱

藍布出京接引。六月中又託幕客二人。藏了本章。將次

子長孫一同逃去也。到京師。看來斷無歸賦之意。但俺

們反形尚未昭彰。不便將他遠行殺害。為此奪得低小

民房十數間。四面高築圍牆。名為土室。今日乃七月二

十一日。黑道之期。凶神畢集。叫我領兵徑入撫院衙門。

押他全家遷居土室。以便嚴加守禁。眾將就此前去。

過撼動山將軍。尚且叫哥哥。廣西人都怕我打。

馬上教挪了窩。把官兒連孩子帶老婆都橫批。

辭書

天孝

天何言哉

箇也麼押一箇下生馬公帶劍上

正宮過曲錦纏頭事如何問蒼天將來恁麼半壁亂山河病身

軀非同健飯廉頗我馬雄鎮前月十七日又草了再陳粵

西情形一疏託朱李二客潛領兒孫逃去前後三本朝

命杳然不知是差去之人都被賊兵殺害又不知是已發

援師尙未得到教人好生迷悶有誰解白登圍橫行大漠

難道把岳家兒全陷風波就裏漫猜度這總督與提督按

兵坐視最爲可恨都做了驚蛇怖鴿無柰靖諸魔噴熱血

心雄勢弱恨兜鍪從賊草間活

桂林霜

卷下

二

內吶喊介淨老道奔上老爺不好了大夥賊兵撞開頭

門蜂擁而入不知何故生罷了你且去裏面照看着淨

下丑引衆上馬夫人在那里呀馬大人我的兄弟將軍

說你在衙門住得委曲另備下一所公館請你喬遷快

同我去生哇孫延基我久拚一死只因逆亂未平王師

有待故爾遲遲你今日來得好

朱奴兒只不過頭顱一顆准備你將軍來割十擔輕裝值

甚麼男共女性命無多全殺却其如我何必恁惺惺箇

丑揖介大人言重了舍弟與你是同朝好友焉肯無情

真氣滿如潮

至此

便佞

朱奴插芙蓉論武將文官要和恁古執剛方不可處世從
來貴圓活風八面商量移舵生多講丑前車禍痛君家伏
波况大人半載閒居朝廷之上誰能諒你心跡轉關兒
怕明珠惹苒謗言訛

丙又喊介淨奔上稟老爺數百人從後牆推倒進來將
合家男女都搶去了生大怒介阿呀逆賊好無禮也丑
大人放心不過請到公館裏去並無歹意生罷罷罷俺
馬雄鎮今日死有餘辜矣淨慌介生

桂林霜

卷下

三

朱奴剔銀燈不能為朝廷荷戈却轉為封疆貽禍偌大乾
坤何用我死得陋書生真懦丑大人不可亂了方寸愚兒
第一團好意生哇呵呵賊心腸恁麼只一劍臣心了却

生者同聲
哭

拔劍自刎一卒奪劍墮四指滾地介丑奪去劍四卒擡
生下淨哭叫隨下丑持劍弔塲滾地卒不動介阿呀好
利害性子這樣東西都好放在脖子上去頑兒的嗎二
卒上已將馬爺擡到土室中夫人等都在彼解勸馬爺
睡在床上發惱呢丑你們可將門戶封好了麼卒封得
嚴緊四面梆鈴不絕丑好呀這個狗才如何睡在地下

卒他奪劍時割去了四個指頭，暈倒了。丑不中用的，狗才幾個指頭，什麼希罕？卒爺何不試試？丑我是怕痛的，擡他回去罷。

邊而緊

尾聲做忠臣先製下金鎗藥，纔不怕傷風腦破，內敲梆鈔介丑好熱鬧的土室呀，比他那鬧轅門的鼓角加上，這幾聲鑼下。

第十四齣 釋帖

場中設書案，場後掛小旦扮雙調，胡搗練，沉狂狴，陷羅，且帳上懸笏擊樓匾，顧氏上引子，清閒轉覺歲華賒，把筆不須門限鐵，張弧如載鬼盈車。

桂林霜

卷下

四

如夢令黑夜幾聲更鼓，白晝幾番風雨，染翰學夫人小注過庭書譜，休苦休苦，且伴寂寥蘇武，奴家顧氏蘇州人也，妙解五音，深通八法，爲中丞馬公侍妾，自甲寅七月，被孫賊將我全家幽囚土室，今已四載，我老爺耿耿孤忠，遲遲一死，豈郝經之返國無期，實天祥之捐軀有待，瀕年以來，集漢晉而下各家草書碑版，做宣城梅氏字彙體例，別類分門，排爲一十二卷，題目草草辨疑，奇變相生，繁簡合度，曲盡古今之法，墨池翻浪，借澆入阱之愁，筆陣馳戈，恣洩拘囚之怒，奴于添香調瑟之餘，頓

土室如函

忘余陋。逐字細加旁訓。雖塗鴉畫蚓。有慙。槪骨顏筋。而
數墨循行。竊比鄭箋。毛注。今日老翁手書匾額。懸掛小
樓。不免攜了草帖上去。瞻玩一回。則個抱帖緩行。介

仙呂入 柳搖金荈。簷中卸泥。牆四遮樓。壁漸歪斜。梯齒多

殘缺。看介笏擊樓。咳。司農心露些。幾時能也。你看這三個

字。波磔森嚴。神光憤激。想見下筆之時。鬚髯張也。破屋

走龍蛇。待把朱泚頭顱。向毫端摧裂。真箇鋒能刺賊骨。可

專車骨可專車腕能屈鐵

放帖几上。坐介風日清和。且把草帖再加校勘一番。展

桂林霜

卷下

五

帖介你看雷電驚眸。雲煙觸手。真乃千古墨寶也。

淘金令。隨身劍。飛袖底。驚鴻瞥。排空浪。飛海上。神蛟掣。落

絮。繁花流風迴雪。都是雄心勁氣。整整斜斜。獨來獨往。誰

敢遮精神。聚結辟火驅邪。後世咨嗟。後人摹寫。

便是奴家這些細字呵。

四塊金書沙印泥。豈是簪花格。研經論史。豈是彈筆妾。關

姬何用櫛。隱娘原自俠。笑書家姿媚。相誇都無貞烈。教我

暗傷嗟。怎生禁當得這一波三折。

貼粉劉氏捧茶上。欲醒觀書眼。相尋試茗人。顧姐校字

書評

筆陣心兵左
擊右拂

後世咨嗟後
人摹寫千秋
腸斷一

一句相合

心苦用盞茶兒。小旦多謝劉妹請坐了。對坐。仝老爺大

人在何處。貼老爺在夫人房中吟詩呢。小旦是何題咏

貼一首是題獨秀山的。小旦劉妹可記得。貼顧姐聽者。

無奈鼠牙侵天戈。旦暮臨蒼梧。還似舊銅柱。到如今甄

濟舒長頸。漢真剖赤心。悠悠山獨秀。不死會相尋。一首

是題笏擊樓的。奮身憑一擊。千古說司農。尚有餘生在。

何時挫賊鋒。小旦老爺心事畢見矣。

攤破金字令長歌。激楚正氣文山節。高吟跌宕。浩氣椒山

血。天地聞之鬼神聽者。貼夫人說。四年中骨肉奴婢以飢

桂林霜

卷下

六

寒死者已十九人矣。只愁長平坑內。終無遺子。干將何處

尋鑽鐮。小旦此事久在意中。久拋度外。何必計較。我與你

只算身從夜臺賒。但願無常討快些。貼姐姐真是達人暢

論死勝生。耶鬼勝人。耶康寧富壽誰在也。

丑婢上老爺請顧奶奶去彈琴。請劉奶奶去煮雪。二旦

曉得了丑老爺說。

金風曲琴歌入操。待你冰絃寫丹心似火。待你松風滅遺

此無聊夜。不似信陵君綠酒紅妝。末路英雄借二旦孤臣

靠那些佳人靠那些。只留下這平原帖。小旦抱帖全下。

香口嘔噁迷
戒定論

共謹無生

抑揚呼吸如
泣如訴

第十五齣

誅叛

中淨赤鬚金冠袍甲引隊上列土分茅意不甘黃袍加體坐雲南三

家鼎足窺神器一箇王孫做長男登高坐介俺吳世傑

乃滇藩吳三桂長孫新掛平粵大將軍之印攻破桂林

大開幕府你看這廣西地方控制羣蠻彈壓八鎮右襟

象郡左帶蒼梧建交趾之藩屏立滇池之門戶好不險

峻叵奈孫延齡這厮雖有投誠之表却無獻地之功觀

望四年屢形驕抗俺祖爺爺命俺前來密誅此賊並勸

馬雄鎮歸順以資輔佐爲此今日盛陳兵衛待孫賊叅

桂林霜

卷下

七

見卽行擒斬便了淨盔甲扮孫延齡引二卒上隗囂且

作遊遊計高傑難平反側心俺孫延齡久附雲南未能

脫去昨被撫蠻滅寇將軍傅宏烈展轉開導又見馬雄

鎮百折不回頗悔當年孟浪不料滇兵突至大振軍威

弄得我主意不定今日且去叅見相機行事則個左右

通報卒孫將軍叅見中淨着他進來淨入揖中淨不起

淨肯立介中淨孫延齡你知罪麼淨俺有何罪中淨你

擁兵觀望據險優游屢叨厚賞千金不獻邊隅尺土巧

作兩家之叛賊究爲誰國之忠臣軍士們與我綁了卒

鄉介淨阿呀罷了罷了中淨

黃鍾畫眉序。兩面笑藏刀。枉做姦邪。討誰好。享金銀子女。算汝功勞。一個馬巡撫。殺又不殺。解又不解。苦將恁軟款。監牢。可知你連環圈套。今朝斧鉞申天討。斬伊傳示官僚。淨。咳。吳世倅。俺乃天朝名將。上國大臣。不借遺臭之聲。名欲保從龍之富貴。蠟丸偷獻。可憐秦檜丹心。雲夢鶴。遊反用陳平詭計。不知巫臣之盡室難行。待把趙括之。全軍都害。看你祖父行爲。豈是帝王度量。可歎我孫延齡。罵名枉垂萬代。冤死不值一錢也。

桂林霜

卷下

八

前腔天理果昭昭。難怪爲人貴。忠孝背君親。作賊一樣餐。刀別的也罷了。王孟兩都統。以下那班厲鬼。若還遇了我。鬼門關攢刃難饒。馬巡撫在土室中。聽見我老孫。倒先喫一劍。活地獄也。臨風含笑。中淨。俺先朝像你這樣。混帳東西。不知叫流賊宰了多少。你想想。畱下你這等賊子。那一家。還用你呢。淨。罷了罷了。背主通番不忠不義的一班朋友。請看榜樣呀。功名富貴都丟掉。全家瓦解冰消。

中淨。咳。碎得緊。拿去砍了罷。卒推淨下。中淨。一面發兵。將他一門老少盡行屠戮。一面到土室中。迎取馬撫院。

浩賢病心否

全家到帳中來分別款待。卒得令中淨。正是殺虎先擒
雙翼虎。埋蛇且斬兩頭蛇。

第十六齣 移帳

內冉登塲孤
雲出岫俄頃
鷺漫四塞

生持草越調
帖步上過曲

小桃紅。窮秋纔換小陽春。盼不見梅花信也。

向凋零中消磨無限好精神。

本詩獨坐園扉裏蕭然太古中

艱貞堪自信。正氣滿晴空。俺馬雄鎮七尺殘軀。四年幽室。
強云有待。大抵無聊。只爲大丈夫。要死得明目張膽。不比
小朝廷。但付與地老天荒間。中遣日。著成彙草辨疑一帙。
竊效文信國戲集杜詩。敢擬楊忠愍預書遺囑。却喜姬人

得師

桂林霜

卷下

九

顧氏冰雪聰明蕙蘭心性。蠅頭細細釋文。兔穎輕輕點黛。
善本已成。不免展玩一過。看了這草聯真。恰便似注蟲魚。
畫乾坤。演連珠。摹私印也。並香肩甲冑。釵裙。昔日太史公。
下蠶室。侍妾清娛。不能相伴。我今日勝于龍門一籌矣。結
忠孝死生緣。無非是有情人。

無情者當別
有肺肝

淨老道上。忙將快心事。報與主人知。大笑介。老爺好了。

生怎麼說淨。方纔傳說吳三桂孫兒領兵前來。昨日破

城。而人今早將孫賊滿門人口一槩殺了。豈不有趣。生

駭介。阿呀。不好了。有這等事。此間大事去矣。

有心肝者不
必有情國事

下山虎是誰揖盜令我銷魂敵至憑誰抗滿城亂軍淨孫
賊是我們的冤家老爺爲何反加哀憫生你曉得什麼孫
賊萬死誠何足惜但半壁金湯又歸賊手金甌屢缺破甌
難全誰爲吾君殺賊恢復邊庭也淨原來爲此生一片降
旗萬家壅粉那有心肝奉至尊老道我們死期已到你且
去將 欽賜御衣取來淨此刻穿他則甚生不必多說快
去取來淨下生一地兒心暗忖一地兒心似焚熱血如何
濺如何報恩不能殺生戴吾頭入玉門

淨上

御衣在此生你去叫外委易友亮進來淨叫老

桂林霜

卷下

十

旦扮外委上易友亮叩頭生易友亮這是

聖上所賜御袍不可失落賊手倘亂兵打入土室你可乘
隙逃出將此衣送到京師跪向朝門求官員代奏繳上
不可有悞老旦小官曉得淨下生拜衣介

五韻美御香畱龍涎噴重封密裏收護謹爪和鱗不敢一
星損空藏繡袞無力補山龍闕暈緘新恨負舊恩怎能殼
學嵇紹登車血花亂滾

付衣介夫罷老旦下淨上啟老爺外面有一差官手持

令箭說吳大將軍請老爺去說話生是了你去說我就

百忙中有此
奇艷之文

出來淨老爺昔年不肯移居土室爲何今日反去賊營
呢生你那里曉得

迅掃成文豈
有填詞跡象

五般宜當日個閉官衙未蒙寇氛今日裏羈囚室竟來賊
軍有什麼畱戀更因循四年間千忍萬忍到今難忍總盼
得罵他一頓何關要緊把平日說不出悲哀向江山發箇
狠老旦哭上

勾勾盤旋鉤
羅

山麻稽惡歲月都捱盡空畱着一對夫妻不見兒孫聽說
相公要去賊營你我致命之期至矣浮雲一家裏盼得箇
各完各分下場頭幾堆白骨一坑碧血數點青燐

桂林霜

卷下

十一

生夫人與媳婦等各自剖劃下官不能兼顧矣

如是如是
可恨可憐
同心之言

黑麻令活着做愁人恨人倒不如死去八風輪火輪一任
他蜂屯蟻屯太平時蔭子封妻都做了降軍敗軍老旦相
公請先行妾等隨後來也久看破真身幻身厮守着驚魂
怨魂妾等含笑相從俱無遺憾只可憐兩對小兒女亦遭
慘劫血淋淋帶女拖兒回去叩天門鬼門

淨上差官催促再三如何是好生夫人進去罷老旦哭

下生老道誰跟我去淨老奴之外尚有馬雲臯馬進福

周進才唐進寶倪天寶王迎春小四兒韓廚子八個生

要這許多人去則甚。淨他們說：「蒙老爺恩養，不忍相離。」要跟去看個下落，倘有不幸，他們便一同動手打那狗賊。韓廚子將菜刀及劈柴的斧子都帶在身邊呢。生這也可笑。淨老奴還聽見說：「吳賊另備了一所公館，俟老爺起身後，即差人來迎取家眷前去。」那公館中供給十分豐盛，不知夫人們可肯過去。生你去向夫人說。在此無益，且到那邊暫住聽我消息便了。淨是下。小生差官持令箭引二兵上馬爺在上，小官叩頭。驕馬伺候多時，就請去罷。俺大將軍候久了。生：「阿呀，蒼天蒼天，馬雄鎮。」

桂林霜

卷下

三

今日亦可謂死得其所矣。

江神子：我只道排牆死壁根，我只道飲鴆逢瘟，我只道土囊壓首亡身。誰知道殘生一髮繫千鈞。到今日弄常山舌吻。

轉悲爲樂

全下淨扮廚子持菜刀丑老旦正旦小旦貼粉小廝全上淨進才進寶進福天寶四兒都在這里還有雲臯迎春兩個呢。丑他二人跟了老道上前去了。淨如此我們追上去。丑韓師父你那刀藏在懷裏不要叫賊看見。淨也罷。藏刀介哪。我屁股上還有斧子哩。少刻強盜若難

爲老爺我就一頓菜。又斧子。剝他做肉丸子。你們怎麼頑法。衆我們一齊大罵。打他一個攢盤。淨他人多。弄他不過。怎了。衆不過一古腦子。捨了。這個腦袋。怕甚麼。淨好兄弟。古來韓信有十面埋伏陣。俺韓廚子今日同衆位。擺他一個九龍下海陣。丑。老道老了。不中用。淨改了。八仙慶壽陣。叫老道做南極仙翁罷。衆好呀。咱們趕上去。合咳。賊強盜。你把

尾聲臨危主僕端詳認。怎不顧君臣名分。老爺若盡了節。

我們打鬚子。捧他上天去。到雲端裏。往下一看。阿呀。有趣。

桂林霜

卷下

三

則見那血灑灑。十個含笑的頭顱。同在地上滾。大笑跳舞。

下

第十七齣

完忠

設二席對面中淨吳世 樵牛饗壯士。置酒宴嘉賓。新造鼓吹開門介。徐引隊上。

麒麟閣來收社稷臣。俺吳世倥奉老祖令旨。鑄就三邊。

總制金印。大開筵宴。迎勸馬巡撫歸順。左右馬大人可。

來否。兵已經起馬。夫人家眷一並到了公館。房李二弁。

在彼伺候。申淨爾等在外守候。一到卽忙通報。全下小。

生未扮二差官引生策馬上。

雙調北新水合殉封疆一死已如歸。到今朝脫然無累。天不教提兵伴衛霍。又不教搢笏伴臯夔。有甚施爲做了箇聖明朝。沒相干的斷頭鬼。

官通報內鼓吹開門中淨出迎介馬大人請生入背立
介中淨久仰鴻名幸瞻雅範本帥奉主公令旨潔治卮
酒爲大人親上三邊總制印綬伏爲笑納生住了爾祖
乃敗軍庸將亡國大夫匍匐關東哀求帳下乞王師
以誅流寇仗天威而復國仇我聖主奠定中原命
爾祖藩屏南服何負爾家公然謀反始而學包胥哭庭
桂林霜

卷下

七

既而做尉陀稱帝楚弓豈應爾得專君敢說自娛不思
報再造之洪恩轉欲肆中山之反噬我馬英雄鎮但識盡
忠焉能作賊爾若尙有天良急宜瀕祓俺當代奏朝
廷乞寬夷族之誅賞以自新之路勿矜多日且自三思
中淨怒中坐介阿呀呀罷了罷了爾本庸弱之夫忝竊
邊陲之任旣不能保爾封疆又不能借人兵旅衝中坐
困空云胡馬思歸獄底偷生但學楚囚相對下慚官職
上損國威大臣何日有爲丈夫豈當如此俺主公懿逆
大度兼容并包爾反鼠目寸光執迷不悟本帥令重如

山看爾身輕似葉。不宜饒舌。致歎噬臍。

仙呂入 南步步嬌。一介書生談忠義。侈口憑豪氣。從一面

雙調 終乃婦人女子之言。你看古來才子英雄。皆能擇主。而事
那青史虛名。何關輕重。遭逢各有期。但得知音。不分皇帝。
爲人在世。也要自知分量。一個孫延齡。就將你弄得傀儡。
一般。何況本帥。左右斟酒來。待我定席。起立持盞。介羊祐。
莫相疑。聽美人帳下歌喉細。

生撥蓋墮地中。淨怒坐介生吳世倅。你試聽者。

北折桂含笑前朝。置相如基。債帥連營。名將與尸。爾祖呵。

桂林霜

卷下

第五十五

堵關門。那有九泥。屈膝龍庭。四海聞知。俺 聖朝呵。握神

兵。安民殺賊。定中原。天與人歸。爾祖乃先朝。一個武夫。驟

分茅土。旣事二君。復萌異志。死無面目。以見先皇。生喪天

良。而于重典。尙敢借延攬英雄之說。誘人作賊乎。流寇之

遺亂賊之魁。十餘年。苟且偷生。不顧偷葬。

中淨你但知其一。不知其二。前朝天下。該前朝臣子。領

受。譬如人家產業。主人已死。當屬奴僕。外人焉能享用。

南江兒水圖錄。當歸我江山。合讓誰。封王不過稱千歲。分

牀。豈可容鼯睡。觀場何必爭閒氣。你雖然十分無禮。我却

不怪你。我度量猶如天地。勸你轉轂迴帆。共享新朝富貴。
生。啞。卽以請兵。而論你祖。何嘗爲着國仇。起見。中淨爲
着甚麼呢。生。

北雁兒落帶德勝。令報父書。甘爲忤逆兒。受王封。那識存
亡義。結皇親。貪他盪盪杯。戀君王。不若圓圓妓。呀。三截人。
四體帶毛皮。兩朝官。一味無廉恥。試看俺讀詩書的馬坦。
公。不似你學狗彘的吳三桂。中淨。阿呀。呀。耐不得了。左右
將他綁了。押到烏金舖去。綁介生大笑。介罵的他淋漓。纔
出了顏泉卿心頭氣。傷悲。終不若擊奸臣的段秀實。

桂林霜

卷下

六

二兵。押下中淨。可憐這廝。全然不知好歹。過來。你去取
了他兩個幼子。隨我前去。看他如何光景。若依然倔強。
先斬二子。然後結果了他罷。差官得令。下中淨。

南僥僥令人。憐離母燕。鴉護落巢兒。苦做忠良。何所利。君
不見。走正派的人兒。喫盡虧。全下二兵。押生上。

北收江南。呀。看山川。滿目淚沾衣。便銜環結草。已無期。中
淨上。馬夫人。你是一條好漢子。何苦執迷如此。左右放了
鄉生。取筆硯來。中淨不用寫降表。你但肯了。俺代你轉奏。
生取來。中淨送上筆硯去。生執筆題壁介。大清康熙十六

年十月十二日廣西巡撫馬雄鎮在烏金舖罵賊而死時
年四十四歲中淨寫得好齊整的草字愛煞我也生擲筆
大笑介把墨痕頸血一齊飛吳世侑你好癡也俺馬雄鎮
呵鐵心腸不移鐵心腸不移看堂堂南八一男兒

二差官領小旦貼扮兩童子土中淨阿呀二位小世兄
來看大人哩生世洪世泰你來則甚二旦母親叫爹爹
不用多言早早歸天罷中淨哪這是什麼話

南園林好聽雙雞傳言甚奇一家人居心恁齊老實說了
罷你降便降不降我要殺了這兩個小的呢二旦哎呀爹爹

桂林霜

卷下

七

菱句酸鼻

爹若是降了不妨事就降了罷生哇不許開口中淨保骨
肉行權可矣眼睜睜兩個兒嫩生生兩個兒

內鼓噪介兵士稟介啟上將軍馬大人有九個家人小
厮一齊要闖進院子才小的們攔他他就一齊動手相
打中淨多多着人攔住不許進來兵應下二旦跪生前
扯衣哭介爹爹生拭淚介

情狀心碎

北沽美酒帶太平令聽嬌兒宛轉啼聽嬌兒宛轉啼嘆赤
子兩無知顧不得骨肉恩情說慘悽吳世侑你敢將此等
伎倆來挾制我你那吳三桂捨得父親難道我馬雄鎮反

骨錄裂石

捨不得兒子。二旦跌哭生。踢開介。守君臣大義。下毒手。任伊爲中淨。罷罷。手下的。把這兩個小子殺了罷。二官捉二旦。二旦扯生。生洒脫。二差官推下。斬介。執二首上介獻首級。生拭淚。看首級。奪首級。打中淨。介中淨阿呀。快綁快綁。衆綁生。生躍唱介。四隻眼看爺不閉。兩顆頭擊賊。雙提小身材。忠臣賢裔。小性命。童年厲鬼。俺呵效花雲無兒有兒。便奴儕也。勝你呀。纔把這七尺軀。交還天地。

衆推下。斬介。中淨阿呀。好一個鐵錚錚的烈丈夫也。丙鼓噪。二卒持八首級上。啟將軍馬大人的家人看見他。

桂林霜

卷下

六

主兒受刑。就一齊拚命打鬧。小的們一時氣忿。殺了八個。只畱下一個老的。中淨阿呀。都是義僕。可知叫什麼名字。好上冊子。率他們各有腰牌。這一個鬍子是韓廚子。最是凶狠。身上帶了菜刀斧子。把小的們夥伴砍傷了。四五個。淨老道拄杖上。賊強盜。好殺好殺。中淨你是什麼人。淨我叫做諸老道。你這臭賊。殺害忠良。必定天誅地滅。中淨念你衰老無用。饒你一刀。怎敢罵我。淨我乃忠臣世僕。豈肯偷生。不像你祖孫父子。一班猪狗。不顧羞恥。勉勉強強。活在世上。令人唾罵。中淨阿呀。了不

得這樣東西都來作怪。快快殺了。眾鄉淨淨大笑。介。好快活呀。天下做奴才的。這樣死法。好不萬分僥倖也。拼下殺介中淨看了這等光景。莫非我們老祖做人有些差了麼。

南清江引整齊齊一十二個屍。死得真奇異。活著鎖愁眉。殺了生歡喜。說便說這一股勁兒。果然難得。縱然是青史標名。這一會兒的擔當。畢竟虧了你。全下。

第十八齣 烈殉

小生扮巢覆無完卵。天寒有後凋。俺房千總奉令同李千總上。

桂林霜

卷下

五

千總看守馬大人公館。方纔元帥將兩個小公子取去。不解何故。待兄弟回來。便知下落。丑上。阿呀。哥哥。那馬大人好一個忠烈男子。眼睜睜看着二子被殺。斷不降順。反奪得兩個小腦袋。把大將軍劈面打去。因而亦被殺害。小生了不得。這等可敬。丑還有跟隨厨子小厮。同一個老頭兒。共是九人。皆一齊大罵而死。小生咳。這纔不枉為人一世。你我活着。不如猪狗呢。丑各幹各的。管他則甚。小生夫人們尚不知道。你在此歇歇。我爬到後面牆頭上。告訴他一聲罷。丑使得。分下。老旦夫人上。

血痕滿袖

悲壯如許

以各樣筆法
摹寫空言使
各種心口情
形活現曲盡
龍門能事主
詞句音韻又
不待言

商調
過曲
金絡索移來鬼一窠摘去兒雙個死後全拋活在如

何割方纔賊營將兩個小孩兒取去諒來以此被制老爺
咳皇天呀我馬家總是一死如何遭此慘酷叫他刀頭子

喚爺弟呼哥將三副肝腸做萬寸袍兒心戀父身難脫爹
意疼兒却奈何遭奇禍待把夫妻罪孽問閻羅小生立高

處介告夫人知道馬大人和兩位公子俱已歸天九個下
人一同被害了老旦怎麼說小生再說老旦大哭介小生

淚下老旦阿呀皇天呀一家人半壁山河到今日銷除過

且滿裝董氏奔哭上

桂林霜

卷下

三

前腔收場直恁結局纔真箇婆婆事已至此不必悲傷

妾年二十有七自同受困以來于茲四載夫子偕逃杳無

消息幼男弱女飢寒而死媳婦所以隱忍偷生者因公婆

尚在或者萬一得出水火今無望矣願速相從地下就此

拜別老旦賢哉媳婦爾志既定九泉即可相聚矣且拜介

有甚徘徊元自貪全活老旦泣避下且奴先叩鬼門待婆

婆讓小叔隨翁半步多鬼門設桌且登桌自掛繩脫反跌

下血被面介改扮游魂汚血頭俱碎這烈膽包天志不磨

又登掛繩介牢拴縛到今朝纔死愧蹉跎作繯介下老旦

哭上阿呀媳婦的兒也。眼看他七尺青羅把一寸香喉鎖。

下小旦貼青衣同上

寫二姬了煞
生死直是妙
法蓮花化身

前腔先登勇遜他。後勁身畱我。小旦劉家妹子大奶奶已
經盡節。我與你就此效顰。何如貼顧家姐姐。我向來說見
危授命。只當逢塲作戲。不料你我果有今日。小旦便是合
一對裙釵。值得些兒個。誰家燕子樓。愛延俄。誰抱筵篔簹。止
渡河。各解帕介。小旦妹子請貼姐姐不要謙了。便衾裯共
抱分前後。怎魂魄隨肩沒右左。全上桌並立介。小旦此刻
老爺靈駕不知何往。貼和你一路訪去。天空濶。認雲旗閃。

桂林霜

卷下

三

閃漫差訛。同掛下老旦哭上。我的顧劉二姬呀。兩嬋娟同
閉秋波。似並蒂蓮花落下。

旦漢妝苗氏持帕哭上大奶奶呀。

前腔私恩領受多。泉路追隨可。奴家苗氏乃馬公子之妾
也。聞大奶奶已經自盡。特地趕來望拜介。阿呀。大奶奶呵。
捲被薰衣。尚有青衣我。上掛下。小旦貼滿妝綵袍上。快來
呀。天教姊妹們沒騰挪。殺賊真慚謝小娥。小旦我二姐。年
方十八。貼我五姐。年方十五。爹爹已死。我家今日闔門盡
節。姐姐你看嫂嫂苗姐掛在一處。顧姨劉姨掛在一處。到

二子乘舟遊
此洒落

也好看。我和你掛在一處。你代我將帕兒掛牢些。不要像嫂嫂跌得這般苦惱。小旦妹子。此事要出于情願。你不可埋怨我呢。貼什麼話。衛大夫恥獨爲君子。姐姐恁地輕覷我來。小旦如此將帕來。我代你拴結。貼遞帕。小旦上結介。合只當秋千並作登仙戲。夏五同沉競渡波。小旦妹子。上來呀。貼來也。慈雲座願雙雙長伴白鸚哥。同掛下。老旦。上我的兩個嬌兒呀。兩枝花未嫁。嬌娥比不上賄錢貨。

婆子們過來。淨中淨粉老嫗哭上。夫人說甚麼。老旦。你們將六位屍身。逐個解下。用單衾包好。放在一處。袖出。

桂林霜

卷下

三

牙牌介。將牙牌各各拴在上面。嫗曉得。全下。老旦。吾事畢矣。

所謂一家人
各完各分也

說筆千鈞

大其特書結
烈婦

金甌線解醒全家陷網羅。四載同寒餓。恁大疑團。今日纔叅破。這收梢沒處躲。丙收拾好了。夫人請看一看。老旦再瞧科。三對香軀單被裏。六堆黃土難安卧。不知他父子屍骸在那處拖。解帕叩頭介。皇天后土在上。命婦馬鎮妻。李氏。就此望闕謝恩。阿呀。李氏呀。李氏。你三十九年之身。今日全受全歸。得以從祖姑趙太夫人含笑九原矣。上。寡介。安排着六十年家運。大劫重過。縊下。

淨上夫人歸天了。哭介中淨上老姐姐不要哭了。我方纔點點人數。老爺那邊死了十二口。我這裏夫人奶奶們。弔死了七個。我們下人十八個。投井上吊。抹脖子。又死了十六個。只有孫師爺。陳師爺。不見了。剩下你我兩個。若也死了。剛剛三十八口。淨你死不死。中淨我還有半壺燒酒。等我吃完了再死。你哩。淨我肚子發脹。待我出了恭來。賠你中淨忘了。你我把夫人解下來。包殮好了。再講。淨是極是極。全下。小生干總上。適聞內裏喧鬧。半日。此刻爲何。靜悄悄。待我望望。上高處介。阿呀。滿

桂林霜

卷下

三

地死屍。竟是合門。盡箭難得難得。一面報知元帥。一面與李兄弟。將各屍身。分別焚化。悄悄兒送他城北廣福寺去。記明人口。暫時掩埋罷。正是忠臣烈婦。同天性。正氣由來不可磨。下

第十九齣

客竄

中淨照前扮陳南呂。一江風。歎飄零。匿跡。同亡命。纔覺驚

魂定。我陳文煥。與大興舉人孫成。同客馬公幕底。自甲寅

相隨。上室中。周旋。四載。前者馬公闔門死節。我與孫君乘機逃。出連日。藏躲孤墳破廟之內。幸喜無人搜捕。意欲投

此篇于苦雨
凄風中開冷
幽逸如對迂
倪樹石異樣

高寒

一居停將主人殉難情節詳寫報呈向撫蠻滅寇將軍兼廣西巡撫傅宏烈衙門投遞求伊代奏庶忠烈情形不致

泯滅這幾日孫君却又抱病愈加狼狽受風霜改盡形容

又變却名和姓小生扮孫成病容持傘上誰甘戀此生誰

甘戀此生怕孤忠跡未明合顧不得跋涉貧兼病

中淨孝廉公今日身子掙扎此麼小生陳兄我聞有一

平樂進士袁景星不受賊子偽職被困在此近日亦逃

躲城北廣福寺內我和你悄悄地尋着他設一計較逃出

城外方好奔到梧州去求傅將軍作主中淨如此甚好

桂林霜

卷下

三

行介

前腔瘦伶仃共覓毘毘徑風送茆菴聲甚書生周朴心腸

獨抗黃巢令寺內有人麼外扮袁進士上何來剝啄聲何

來剝啄聲窺門不敢應南有賊搜亡命

出見介二位是何等樣人因甚到此小生先生可是進

士公麼外問他則甚中淨我等乃馬公幕客避禍潛踪

足下果是中郎便可相依爲命外阿呀莫非就是孫孝

廉陳文學否小生便是外快請進來待我將門緊閉閉

門見禮介外文山上客久著義聲小生中淨天寶詩人

傅公袁君皆
列傳附見之
人故只須如
此迴露

夙欽介節。合今得相逢。不勝欣幸。外請坐。十二日聞馬公在烏金舖。罵賊甚烈。從死者二子九僕。其時兩君安在。小生中淨先生聽啟。

繡帶兒同拘繫。甘捐首領。居然遁出秦坑。要將他死事根由圖得個表奏分明。中淨在下將馬公事跡寫就呈詞一紙。要往梧州軍門傅公處投遞。出紙介先生請看。外看介懇切詳明。不愧中丞知己。小生他公子世濟。世承長孫國植。俱在都中。不知父母結局。因此弟輩一面聲明開府。一面奔赴京師。要使臣節光昭。交情完密。偷生漸離。豫讓思

桂林霜

卷下

三

共逞磨利劍。難加讐頸。外陳先生囊中是何書帙。中淨此乃馬公手著草帖十二帙。在下特地攜出。恐遭兵火毀滅。外兩君真義士也。羨李翰于嵩。並稱保護。這殉昭陵的蘭亭書聖。

小生先生大節凜然。不爲賊污。弟輩十分敬服。外

前腔朝廷養士氣。文章德行周全。忠孝天性。笑羣公爭戀榮華。幾人不愧科名。難得兩兄仗義。小弟當爲鄉導。明日

變服潛行。先到平樂。在舍閒休息一日。從猿獠險僻地面。問道奔往蒼梧便了。偕行疾風吹過。知草勁涉險峻。三人

同命。中淨深感。援引弟輩。追隨有托矣。傷老瘦。哀哉。杜陵誰做得。不分明。的王維行徑。

閱處好着

丑扮老僧荷鋤上一堆香骨殖。幾箇土饅頭。外和尚那里來。丑今早有兩位千總老爺叫人擡了七個木桶。一十八個鑿子。內中都是屍骨。借我寺後菜園掩埋。老僧帮忙已畢。打發他們散去。故爾出前殿去歇息。小生可曉是誰家死口。丑桶上各有牙牌。鑿面皆拴竹片。說是馬大人的家眷。中淨可憐可憐。丑阿彌陀佛。貞魂依淨土。善氣吐青蓮。下小生我等逃走時。屍橫內外。不料房

桂林霜

卷下

三

李兩千總却肯代為收葬。這也難得。中淨可同到後園一拜。外正該如此。同行介斜風轉。破廊薄雪埋空竈。蓬蒿列蟻封。上有寒鴉弔。小生中淨淚拜介合

寫酸楚却字
字軒昂

權心語中合
音痛

三學士火宅蓮花焰未冷。明年墓草廻青。中淨那大人公子的遺骸。不知若個收拾。不能殼夫妻共穴。雙眸瞑。倒做了雞犬齊仙。拔宅升。小生盡室捐軀。異鄉埋骨。魂魄雖聚。九原兒孫不能一拜。真令人痛心裂眦也。全拜介麥飯紙錢何處領。慚雙客不若兩箇兵。外兩兄不必過慟了。今夕且在此一宿。明早五鼓各裝

星下之流混出城門去罷。內吹角介你聽賊營中又早起更也。

尾聲晚鐘鳴。蒲團定。陳兄可取出草帖來待小弟展玩一過。借消長夜何如。中淨使得合照龍蛇。偷剪佛前燈。還只怕屋後悲風送鬼聲下。

第二十齣 私葬

末盛甲引仙 醉扶歸。曉騎鐵馬霜蹄驟。寒雲幾片上兜鍪。

亂後風光不
堪飽省

殺氣如煙蔽林坵。孤城半掩無人鬪。俺吳王麾下先鋒趙

天元是也。奉令巡哨村落。左右前面什麼地方。卒是烏金

桂林霜

卷下

三

舖了末好蕭條也。草枯蓬斷幾家畱。看飢鳥滿地銜人肉。

馬驚介呀。這地下積屍狼藉。怎麼沒人收掩。卒啟爺。這

一個是馬巡撫的屍首。末爲何兩隻手上一邊抱着一

個小孩子屍首呢。卒阿呀。這也奇怪。前者兩位公子是

先殺的。如何馬大人左右搜着莫非心下捨不得。顯此

靈異。哪那一個是大人腦袋。這兩個小腦袋便是公子。

末咳。可憐可憐。還有那九個呢。卒這都是他的下人。那

一個白頭髮的叫做諸老道。這一個呷牙裂嘴的是韓

廚子。末下馬介。你看大人面貌如生。雙眸列炬。怒氣勃

乃是豚魚之格

凜然可怖

正大光明盜亦有道

然好怕人也待我磕個頭兒拜介

醉羅歌仰眠握爪穿拳透眼光橫射雨兒頭生挾銅肝一
身休死舒鐵臂把雙雛摟這是幾時的事卒是前月十二
之事今已四十餘日軍令不許收殮未豈有此理這是孤
忠奇節非同寇讐忍令荒原暴骨輕拋髑髏千犯着神噴
鬼怒天難宥你們到左近叫些鄉民來卒是下末精長在
屍未朽寒郊請立國殤邱

生外扮二父老上子孫陣亡盡垂老不得安幸有牙齒
存所悲骨髓乾父老叩頭末你們這裏可有什麼古廟

桂林霜

卷下

三

空園寄埋骨殖的所在生只有城北廣福寺內後面菜
圃甚寬可以用得末這地下屍身你們可認得小生這
就是我們此地福星馬大人合省沾恩的末我如今賞
你們些銀子就托你二老去叫些子弟們來將此十二
個屍首好好擡去寺中埋葬各立小石一塊寫記姓名
日後恐他有親戚人等前來尋覓以免迷失二老難得
老爺開恩這四十餘日我們百姓過此地者人人含淚
只是不敢多事今蒙使令倘元帥又來查勘小老們便
當不起呢末不妨我自回覆元帥你們作速辦理去生

殘破可憐

指畫周詳

還請老爺畱下姓名。倘日後有人來搬取時，也使他知
爺大德。末這也不必。我叫做趙天元。小生老爺真是好
人。

醉羅袍。生小生合。荒村店燬無棺柩。窮簷骨凍少衾裯。破
土開山禮難周。從來藁葬多將就。末。父老們須要尊卑分
穴。未可賢愚一邱。立箇墓臺新碣。寫出青門故侯。合。劫灰
畱記昆明後。

末。我且別去。明日到寺中相謝。二老恕不送了。末策馬
介。遺骸暫借蓬蒿掩。逸事都憑父老傳。引。二卒下。生不

桂林霜

卷下

完

料賊營中也有這等好人。我們卽去糾合鄰舍男女。前
來將各位首級縫好。擡到寺中去。小生老哥。我前日偶
然步到廣福寺。纔曉得馬夫人領着媳婦女兒侍妾及
奴婢們共二十五口。同日盡節。也被兩個賊將焚化。封
記先送在寺中埋了。今日恰好又有此事。只怕皆是忠
魂暗中使令的呢。生正是和你快去料理來。

羅袍歌哭奠三杯。村酒剪黃錢一陌。掛向新邱。那裏有祁
連高塚。葬通侯。只落得垂楊半樹生。枯肘想前日。生依土
室。妻孥並囚。到今朝。歿依土穴。家人聚頭算雲車。風馬聯

收拾全文雙
管齊下是血
是淚

鏢。又。長。城。窟。青。海。阪。古。來。白。骨。仗。誰。收。新。魂。哭。舊。鬼。愁。天。
陰。雨。濕。共。啾。啾。全。下。

第二十一齣 議郵

商調高陽臺引外扮大世掌絲綸官居鼎鉉中書慚任調燮

邊事紛紜六官俱待裁決寸地尺天皆入貢奇祥異瑞爭

來送安得壯士挽天河淨洗甲兵長不用老夫東閣大學

士是也自從十三年廣西孫延齡作亂巡撫馬雄鎮遣子

世濟世永孫兒國禎及幕客李子燮朱昉先後來京告變

六月具題發部議敘該部覆奏俟彼地平定之日再加陞

桂林霜

卷下

賞今歷五載四月內將軍傅宏烈奏報馬雄鎮男婦主僕

合門盡節共計三十八口九重震悼發王大臣等會同

閣部議加襲郵章凡三上聖意總以酬庸太輕仍命從

優改議昨又會疏具題且待各部堂官到來恭候命下便

了末淨中淨上持衡司禮專樞密聽履聲同上金闕末俺

吏部尙書淨俺禮部尙書中淨俺兵部尙書這是內閣了

請衆中堂在上某等奉揖同揖外合待宣麻紫閣黃扉過

勞三接

外列公到來請坐了外正坐三尙書分侍介老旦捧本

上庵內閣侍讀學士會議本下就此送到政事堂去告
中堂會議本發了已蒙 聖旨俞允請中堂閱過票發

外知道了老下外接本放桌上展看介奉 上諭馬雄

鎮抗詞罵賊精忠報國並家口殉難忠貞慘烈深可憫

惻着贈太子少保兵部尚書子諡文毅加祭二次照例

立碑工部給與碑價磨一子八監讀書其子馬世濟着

補授光祿寺卿雄鎮之妻李氏世濟之妻董氏俱着各

照本夫品級給與應得封典該部知道三尙書 聖恩

高厚馬中丞雖死若生矣外

桂林霜

卷下

三

高陽臺鳳轉綸音龍銜燭樹一時照暖邊月春到泉臺朝

廷敎忠無缺三尙書剛烈易名禮重非常典備生死哀榮

儀節合更堪誇全家矢志一般貞潔

外吏兵二部爲查覆題奏事伏查馬雄鎮幕客李子燮

係陝西進士原任淮安府推官順治十三年被參革職

擬徒遇赦免罪朱昉係江南人曾任翰林院待詔緣事

革職今既同馬雄鎮年幼子孫潛送來京奉 旨從優

議敘相應俱以知縣錄用各取同鄉京官印結到部候

補至承差楊啟祥唐守道唐正發應各授守備給與劄

付回籍候補可也。奉旨依議。又和碩裕親王等爲題
奏事。准傅宏烈疏稱。馬雄鎮幕客舉人孫成。儒士陳文
煥。同平樂進士袁景星。冒險來歸。呈明雄鎮合門死難
情形。奉旨從優議敘。以示鼓勵。除袁景星吏部另疏
題覆外。孫成請以同知錄用。陳文煥以正八品府經歷
縣丞員缺錄用。恭候聖裁。奉旨這議。彼尙輕着。該
部從優再議。呀。推恩賞功。棄瑕錄用。聖朝膏澤覃敷。
不遺微末。如此。

前腔換頭優絕。佐郡專城。參軍守禦。恩加士卒。賓客膏漢流。

桂林霜

卷下

三

膏羣芳向榮欣悅。末只可惜他姬妾子女。以及奴婢等三
十五人。同一死亡之苦。不能邀朝廷分寸之恩。外此乃
格于成例。無可奈何。中淨竊見出征兵丁。不必戰亡。但死
于王事。皆蒙優卹。此獨不然。亦是功令中之缺典也。難。懶。
捐軀赴義。同一死。忍教他姓名埋滅。合殉邦家。公私雖判。
殺身無別。

三尙書請中堂交閣學卽日票發。以便遵奉。欽依。外三

公各回衙門理事去合

尾聲。褒忠表記懸碑碣。付南董書存史牒。還望那露布飛

傳天外撻下

第二十二齣

歸骸

老且粉易友
亮背衣包上

雲南去歲滅烽烟，今是康熙十九年，兩粵

昇平戎馬定，忠臣含笑在黃泉，我易友亮三載前蒙馬

大人將，欽賜御衣交付，令往京師呈繳，因大亂之時，

不能逃脫，去年正月，吳三桂已服冥誅，東南以次平定，

前見邸報，馬公子已拜光祿寺卿，題疏乞假前來，搬取

合門骸骨奉，旨馳驛往還，聞今日向廣福寺中啟土，

不免將，御衣送去，并進大人遺命則個，下小生三品

桂林霜

卷下

重

帽頂素衣引外差官從人上

直接道說
奉天地變色

扎黃鐘

醉花陰重看這殘破山河未全收，返遼陽先靈何在，

外前面是烏金舖了，小生遙指說烏金舖牛條街是俺爺

血染黃埃，猛可的傾盆淚萬行灑，外前面是廣福寺了，丑

老僧上迎小生下馬大哭，奔入倒地介，丑老爺甦醒，外老

好爺醒來，小生嗚咽介，那里知全家命一堆埋，難道是至人

身僵不壞

扶起傍坐，僧進茶介，老僧叩頭，小生和尙，你把昔年收

葬情節細說一遍，丑老爺聽稟，記得十六年十月十二

日呵

南畫眉序天地變黃龍有賊衝門把寺僧駭只見兩個軍官一個姓房一個姓李說道和尚你寺後荒園暫借一用貧僧怎敢不允只說聽爺自便呀只見後面擡了木桶七個瓦甕十八個一擁而進說道借尸陀林裏權葬遺骸並叫貧僧幫助破土那里是老瞿曇布地求金錯認做病將軍閉門鋤菜小生那桶上可有記認丑牙牌竹筴分頭記都是馬家三代

小生是那一坵丑是右邊的小生左邊這一坵呢丑這

桂林霜

卷下

五

補筆

是鄉村人隔了四十餘日說是賊將趙天元叫他們擡來寄厝的就是馬大人和二位小公子九個下人的屍首小生如何盛殮丑是篋篋包裹的小生兀的不痛煞我也哭倒介丑這位爺好性急他是什麼人外就是馬大人長公子丑咳難怪難怪下外老爺醒來小生嗚嘔低唱介

北喜遷鶯生擁着花卿車蓋死沒箇墨子棺材當也麼災落了些小民喝采依舊的苦雨酸風聚夜臺聽分投餓鬼胎十九日先亡魂魄剛剩下兩兒郎一個孫孩

元人鉅製

句消

歌者自歌笑
者自笑

末扮差官二襟扛祭禮上謹奉天潢酒來澆古廟墳馬
大人俺奉大將軍簡親王令旨特具祭席瓣香爲文毅
公致奠卽命下官行禮小生賢王厚意冤魄傷心何以
克當末就此陳設列香案末拜小生哭答介末
南畫眉序浩氣攝狼豺守定封疆禁人賣共岳飛余關魯
屬同埋持正的星象三台弄巧的罵名千載家人父子君
臣樣官塲莫笑書狀

別過了小生謹謝賢王明日親來泥首末下外啟爺桂

林府備了文木靈車十副常用棺柩二十七具土工一

桂林霜

卷下

三

百二十名前來承應小生知道了將香帛來待我行禮

外是另立香案介小生上香哭介

北出隊子離膝下星霜七改絕音書只有魂夢來念爺娘

妻子敢丟開恰遇着歲在龍蛇劫運該奠酒介可憐這一

盞椒漿萬古哀

吩咐各匠啟土敬謹盛殮者外是喊各匠就此啟土內

應介外請爺到方丈去有一外委求見小生出坐介着

他進來老旦上少老爺在上易友亮叩頭小生原來是

你老旦小官蒙先太老爺重託特來告稟小生謹老旦

丁六年太老爺聞吳世倌已誅孫賊料來見逼卽將

御衣一領交與小官收藏往京呈繳奈亂兵嚴守城池不能脫去守護三年幸無遺失今日得見小主敬來呈獻
南滴溜子這一領龍衣上秋香炫彩念收藏篋筭三年靈
驪今朝方能交代當日撫標若設有兵將呵統着三千鐵
兩襠怕不功成戰袍解做了失水蛟龍沒箇佈擺

小生虧你收藏待我到京奏聞或者仰邀議敘老旦小
官不敢有此妄想小生取出御衣來待我拜看老旦
出衣鋪桌上小生叩首介

桂林霜

卷下

美

烘染龍衣又
添如許奇麗
真見交心似
約

北刮地風這雲錦天孫費剪裁記當日宮禁頒纔是解衣
推食恩無費怕袍花血污塵埋只舊毒痕淚點難揩還怕
似紫衣僧袈裟色壞怎肯教赤眉賊劫火焚災多謝你甲
冑邊弓箭中收藏三載對荒墳容衣重展開敢招得老中
丞魂魄歸來

外收衣下小生易外委你在土室中隨侍既久可曉得
四年內陸續死的十九口尸身埋在何處老旦這個小
官盡知起先亡過的是趙老姨娘並六小姐埋在後院
內楊樹下其次亡過的是小二相公小二姑娘三姑娘

四姑娘俱埋在東院內梨樹下還有下人十三日一堆兒埋在西邊草房後面小生淚介老旦說起來好苦楚也。

南滴滴金首陽山薇蕨難尋採便柳絮蘆花也無處買上

人一日兩頓粥湯下人只一頓粥湯太老爺不以爲意終

日吟詩寫字這些熬不住的便都死了全哭介老旦凍凌

兢倒斃同尸解一堆兒沒腳蟹死得來全無主宰况沒有

做簾帷和做蓋只得把破襖殘氈包着葬埋

小生好痛心那

桂林霜

卷下

七

北四門子可怎的攢心萬箭疼難耐遭的甚月晦年災敢

前生共欠了飢寒債下場頭都湊來易外委你可到後面

領些夫役分頭到土室中將各塚放出我即令人備棺木

前來盛殮以便明日一同帶去老旦理會得小生我只怕

楊樹歪梨樹衰認不出小骷髏零星誰骨骸便做道破屋

拆亂草埋十三副殘屍應在

老旦還有一件怪事當時同在土室之人只不見了孫

陳兩位師爺連屍骨都無覓處小生你不知道他二人

背了太老爺的詩集草帖乘亂逃走同一袁進士到樞

全無主宰中
却有有主宰
者在

元木色

元人老

此段乃互傳
之文

特筆

寫傅公却仍
是寫馬公非
班史不能用
此神妙之筆

州求傅將軍申奏我家闔門死節之事方有今日

裏師恩典老旦原來如此先去的李朱二位師爺呢小

生李朱二位俱議敘以知縣用孫陳二位現在以知府

同知議敘了老旦二少爺及小相公在何處小生都在

國子監讀書你可知傅將軍死難情節麼老旦說起傅

將軍忠烈與太老爺一般但未受四年困苦耳他來廣

西百姓愛戴猶如父母丁巳戊午二年之內恢復梧州

平樂等處地方去年桂林平定因請出師雲南先提一

旅之軍去到柳州大兵未至竟為叛賊擒去甯死不污

桂林霜

卷下

美

執至貴陽罵賊而死小生淚介老旦

南鮑老催陣雲乍開空坑一戰兵氣衰靴刀在手難自裁

便似俺太老爺呵鬚戟張毗雙裂同精采做中流兩柱橫

滄海聞得湖南雲貴罵賊死者甚多若要似太老爺四年

困厄歷久不變從容就義者一時無兩只丹心一點懸真

宰何必定平淮蔡

小生你可趁早辦理去老旦是下外上啟爺方纔啟土

之際一片異香眾人細細尋其來處却原來是太老爺

及太夫人少夫人三塚中發出來的小生奇哉豈非正

氣不散乎外下小生

字字生香

筆力亦透九原

北水仙子呀呀呀墳怎開。怎怎怎湧出三條香氣。露和和和和土花兒結住蒼苔。肯肯肯教那黎人樵採。向向向九泉中穿出來。甚甚甚地皮敢能遮蓋。想想想想托住了蓮花幾座臺。共共共天生成佛香雲。氤氳抵抵抵抵多少柏子掛松松。

外上啟爺各塚俱已啟出。請爺進去行禮盛殮。小生哭外辦差的過來。淨上有外大人吩咐。明日黎明拜謝。

替屍簡括

杜林霜

卷下

弄

祖別駕公再到南京扶風書院拜謁老祖總督公生祠。要起日子到京。即扶柩到玉泉山黑塔村祖塋安葬。星夜進發。毋得稽遲。

南雙聲子銘旌架。銘旌架。把頭踏全鋪擺龍衣案。龍衣案。四面掛流蘇綠。人夫派。人夫派。船隻快。船隻快。更多添繚手。不許延挨。

淨應下。小生上。官兒外有。小生我今夜在靈前打坐。一到黎明。即入城謝客。凡有官員一概辭謝。外是。小生我那爹娘呀。可憐俺。

千里迴龍一
絲不爛美
奇勇

結四升

北尾煞一夕蒲團當苦塊。甫能向蓋棺時。認別軀骸。今夜我兄弟世永。及吾兒國禎。呵想同向睡眠中可也。哭爺奶。

第二十三齣 立祠

場上設高案帷帳。上掛雙忠祠匾。二木主一書。救贈天子少保兵部尚書廣西巡撫文毅馬公神位一書。

救贈太子太師兵部尚書丑盔甲楊廣西巡撫忠毅傅公神位啟祥上。算命何曾識子平。

詳知驛馬帶長生。用神今日纔拿着。官祿宮中有將星。

俺楊啟祥與唐守道唐正茂。俱是撫院承差。因先後送

馬公子等入京。皆邀恩賞武職。後來外委易友亮。又以

收藏龍衣有功。亦蒙議敘。一併發回廣西補用。今撫標

桂林霜

卷下

罕

添設兵額。卽將我等分授四營守備。好不體面。合省士

民思念馬傅二公忠烈。公請建立雙忠祠。撫臺郝大人

題奏。部議允協。奉旨准行。郝大人道我四人。是馬公

舊人。卽委督工建造。前日告成。昨日我等四人設祭。一

壇。紳士父老設祭。一壇已過。今日撫臺親來祭奠。只索

何候。他三人敢待來也。老旦盔甲上。啣酒夜饒諸葛鼓。

椎牛朝祭伏波祠。我易友亮蒙恩補授廣西撫標後

營守備。來此是雙忠祠了。丑易哥來了。二位唐哥呢。老

旦樞臺五鼓奏有密旨往梧州公幹。把二位唐哥帶去。

了。丑今日祭祀却怎的來。老旦撫臺轉委兩司道府行禮。恰好是孫李朱陳四公都是當年幕客。真覺奇異。丑易哥我有一事問你。前歲你到土室中。掘出馬爺巡撫。敕印埋在何處。老旦就在後院楊樹下。六小姐墓側。丑記得孫延齡。曾將印敕討去。如何却埋在此。老旦你不知道。那討去的印。是諸老道另鑄的。敕書是孫師爺另鑄的。丑馬爺好作用。你掘的印敕呢。老旦少老爺帶入京師。同龍衣奏繳。聖上卽將御袍仍賜少老爺了。丑大人靈樞到京師。如何光景。老旦那年是十月。桂林霜。卷下。望。時節靈方抵京。上特遣佟國舅。賜奠茶酒。次年七月。又遣內大臣等到墳上。讀文致祭。並賜御筆親書碑文。殊恩異數。真是罕有的事。你當日跟着少老爺穴地。逃出扮做算命先生。一路如何光景。丑說起這話。苦不可言。和你到小房去細談。老旦是時候了。禮房爲何不來陳設。丑免不得就來的。且吃茶去。全下。淨扮禮房上。衙門出息開銷。官得一頭吏一擔。祭祀之時共發財。發錢一半扣一半。頭牲瘠瘦魚肉臭。菓品生蟲海棠爛。胡亂騙過一時辰。官府出門各搶散。虧得神道度量寬。

桂林霜

卷下

望

不與小人細打算。若還當真來享用。只怕推翻大香案。
拿着書役問口供。從實招來怎的辦。在下只好老實說。
積弊由來同息玩。官稱數子已不足。宅門又將成色換。
還要例規加一五。準折出來沒幾貫。書辦衙役要養家。
豈可認真買物件。熟食店裏租魚肉。乾果舖中借糖麩。
瘦猪瘦羊弄幾隻。官價便教屠戶墊。只有蠟燭不撓假。
點了一寸便吹暗。各人分去當油燈。說道借光堪達旦。
神道發怒說可惡。大喝一聲叫鬼判。速將此輩打陰板。
不覺皮開與肉綻。我說道哎呀。神道從來不管事。豈可
桂林霜

爲嘴計過犯。若要衙門不落錢。除是雄雞生鴨蛋。神道
聽了沒得說。哼哼發了兩聲嘆。方知公事都一樣。鬼譚
唐朝精扯淡。自家臨桂縣禮房便是。今日承辦雙忠祠
祭席。大老爺們將到。驟計快將祭品擡出來。襍擡祭品
上淨待我點數。猪二口。羊一隻。鴨一隻。雞鴨各二隻。魚
一尾。果子二盤。時菜三豆。禾苗粟米五色。豆三盤。猪頭
一具。緇帛二通。祭菜十二盤。五鮮五麪飯。香紙蠟燭一
件不少。快快擺設。還有禮生一名不見了。怎好。生白鬚
破藍衫上。姓名不入鴻臚寺。利息難同奉祀生。却喜老

來中氣足。喉曬痰做水雞聲。禮房先生請了。淨官府將
到你的儀注單祭文呢。生儀注單。昨日呈過了。祭文今
早發出。我已念熟了。淨聲音要響亮些。生這個自然全
下

中呂 引子 遶紅樓 小生上 屏翰初懸肘後章 末上 權泉篆露晷

炎荒 外上 絳節新移 中淨上 朱幡相傍 合 齋肅共趨跄

小生 下官布政使孫成 末 下官按察使李子燮 外 下官

蒼梧道朱昉 中淨 下官桂林知府陳文煥 小生 列兄請

了我等昔共艱危 今同僚案協恭之喜 方新感舊之悲

桂林霜 卷下 聖

難已 適因撫軍出巡 命你我來雙忠祠主祭 須索虔誠

將事者 三人方伯言之有理 生上 請列位大老爺行禮

丙發鼓三通 奏樂介 生贊介 就位 上香 獻帛 獻酒 拜興

拜興 拜興 奠爵 讀祝文 樂止 生跪讀 介 維康熙二十一

年二月上旬吉旦 廣西巡撫郝浴 敬率合屬文武官員

等 謹以剛鬣柔毛 清酌庶羞之儀 祭告于 敕贈太子

少保兵部尚書諡文毅馬公 敕贈太子太師兵部尚

書諡忠毅傅公之神前 曰 恭惟兩公 氣壯山河 名光日

月 取義成仁 剛風凜烈 駕賊捐軀 髮豎背裂 浩氣排空

忠魂霧結。廟食千秋。恩隆碑碣。祀典欽頒。優崇雙節。茲
屆仲春。俎豆陳設。雲輦電旌。俯臨鑒格。尚饗樂奏。生拜
興拜興。拜興。焚帛。焚祝文。禮畢。生下四人合

雙忠合贊

尾犯序。先後撫南邦。一殉封疆。一殉沙場。各盡孤忠。竟同

時有兩。小生記得當時陳兄說馬公命相四十四歲合遭

大變。推測抑何神也。還想父老拜香煙靈爽風雲護。丹青

形像。驅遣着雷王帝母赫赫衛金湯。

丑老旦上。列位大老爺在上。守備等打恭。小生四位督

工辛苦。一切偏勞。我輩慚愧。丑老旦。列位大老爺義聲

桂林霜

卷下

四

四播古道兼全。有功馬氏甚大。我等一介武夫。効勞奔

走。何足掛齒。末二位唐副爺何往。老旦。他二人跟隨撫

臺公幹。不及在此伺候。末好說。丑老旦。守備們前夕住

宿廟廊。共得一夢。小生願聞。丑老旦。只見

前腔。頭宵蒼符使去。來忙說道。卑賤相生。難乞褒賞。人命

關天痛紛紜。國殤聽得說。似覺玉帝有旨。將嬖娘公子小

姐。以及下人男女等。皆有封秩。推廣衆生命。一般悽愴。各

樣死一般骯髒。神仙位不循資格。同薦白雲鄉。

小生冥冥之事。亦未可知。我等八人相從患難。今皆在

死義諸人合

起來酬

實

此馬宅家人存者只有賀徵二位可知他下落老旦少

老爺賞了莊田數頃撥他在黑塔村守墓永不入府承

值小生如此甚妙祀事已畢我等各回衙署去罷一片

靈風兩畫旗末外傷心只有舊人知中淨神絃唱罷名

歸去丑老旦誰讀斜陽墮淚碑下

第二十四齣 靈合

仙呂入 雙調 武武合 淨扮諸老道符官盛甲策馬上 五雲開蒼穹路旋俯視處

神州一片小神諸應兆本貫江甯投身馬府蒙總督公使

用多年老來隨公子出撫廣西在烏金舖同主人罵賊而

桂林霜 卷下 聖

死上帝憐我平生誠實念佛持齋特授符官之職赤文綠

字掌諸天符篆上帝又念合門盡節之人陽世不能盡邀

郵典乃一分封昨日命我各處宣述詔旨除授已畢且

向天門覆奏去三霄上代披宣碧霞宮蓬萊院仙真皆妙

選前面顧夫人來了不免迎上去下

小旦 仙裝二幘童引上

沉醉東風紫雲翹釵梁鳳懸絳羅袍龍文花現新衙署掌

書仙賜銀泥丹篆小仙顧氏乃廣西巡撫馬公侍妾殉節

之後遊戲天涯無人拘管昨蒙上帝拜我紫府書仙掌管

特表老僕

變表才媛

結詞

人天典籍。天家稽古之榮。無有倫比。不料妾身得叨奇遇。至此憶紅袖添香司硯。不知俺老爺彙草辨疑一書。已登冊府。否驚鴻勢。翩簪花格。妍龍跳虎。臥定飛來九天。

結詞

淨上顧夫人。小人稽首。小旦符使少禮。正要問你我家闔門人口如何發落。淨二位小公子及小二相公俱封爲侍香金童。二姑五姑先亡過的六姑小二姐三姐四姐俱封爲傳言玉女。劉姨苗姨並先前亡過的趙姨俱封爲瑤宮花史。凡男僕皆封爲黃巾力士。在三天門下聽用。女婢皆封爲翠水散仙。送與趙太夫人府中分任。

桂林霜

卷下

四

職事去了。小旦天恩普遍。聖壽無疆。令人感激無地矣。淨夫人呵。

昭昭在上

嘉慶子。這碧霄除使無貴賤。論孝義忠貞。不論錢活着無。人垂念。靠天地會相憐。靠神鬼不心偏。

小旦說也可憐。老爺夫人及少夫人在何處。淨老爺根器深厚。成就更高。聞得已與各天尊同列玉虛上爵。大夫人仍偕眷屬。並攜少夫人同住在忉利天宮了。小旦妙呀。

尹令生時各家宅。養死時各條分辨。銷時各途輪轉。多事。

世緣擾擾無
可奈何闍羅

老子亦竹筴
關煞

閻羅做弄出閒是閒非局萬千

我到任去了符使請便淨夫人請小旦天眼一觀皆是

幻淨戲場千變不須提分下中淨洗面扮趙太夫人神

裝領二神官上

品令璇宮去來游戲已多年家門氣運何堪再顛連遼陽

兵變廣西重搬衍老身趙氏乃馬復所之妻馬雄鎮之祖

母也昔在天啟辛酉之歲老身闔門盡節甲子一週我孫

兒爲廣西巡撫又罹此禍咳雖是當焚劫火何至五金同

鍊左右前面是何神駕襍就是令孫文毅公夫婦中淨如

桂林霜

卷下

巽

此迎上去這骨肉相逢也算做雞犬雲中一笑緣下

二幡引生老旦攜手天神裝上

續完忠烈
自然聲齊

豆葉黃歎烏金舖下土室梁間把一家送向黃泉急切裏

不能相見人間分散天邊再圓夫人和你一死同歸有如

夢幻既荷皇家褒卹復叨天帝崇封迴想人生數十寒暑

何苦貪生捨義也老旦便是合這一點靈光猶在這一點

靈光猶在只算到紅塵打個盤旋中淨引隊上

玉交枝人天仙眷聚雲旗良非偶然孫兒何往生孫兒攜

孫婦正來叩謁不料在此相遇生來未識慈悲面駕天風

體家錄

二語能束九
河能鎖三峽

筆大如椽一
唱三歎

傅公如此現

身合傳中正

筆倒筆橫波

經管非同若

作

雙忠一體萬
派朝宗

纔得扶輦。老旦孫婦昔年夢見。祖婆婆到家吟詩一首。所以依稀認得。中淨不差。只因禍機將接連。故吟啞謎先加。勉生老旦揖介。六十年人家可憐。六十年人家又傳。

左右稟介。前面傅忠毅公來也。中淨孫媳隨我迴避了。

老旦是全中淨下。外花白鬚天。神裝引二神將上。

玉胞肚提兵酣戰。死疆場雙忠並肩尊神。莫非是馬文毅

公否。生便是相揖介。外俺傅宏烈。生時在梧州得見孫陳

二客所作。明公死事狀略不覺五體下拜。後來喪師殞命

負罪輿尸。忝附崇祠。有慚祀典。生忠毅公你說那里話來。

桂林霜 卷下 哭

俺生無一能死多餘恨。既無益于保障。復貽害于妻孥。怎

及明公奮身殺賊。力竭完忠。今乃與噲等伍。正當以韓非

同傳為恥。如何反出此言。外文毅公太言重了。自古慷慨

羽生。從容就義。難易之間。足窺持守。你土室羈囚。此文山

屈。雙小樓。尙多一截。較子卿牧羊大澤。終捨一身。公自云

丈夫臨事當有責。有不可奪之節。此之謂也。宏烈敢相伯

仲乎。笑書生學步。鄙鄴算後生。繼武前賢。生桂薑同性是

天然傳說時。箕象緯懸。

淨上二位尊神在上。諸應兆稽首。生外符使何往。淨上

并能附綴四
首。忠烈不但
史法森嚴。皆
骨銜霞散彩。

帝今日遍查雲貴楚粵四省連年因三逆之亂死事忠
臣共有若干人。明日在凌霄寶殿設鈞天廣樂大開襄
忠筵宴其各家眷屬人等俱牒西王母向瑤池設旌節
大宴謹請二位明日早起天門去。生外惶愧淨。

川撥棹。衷忠宴。奏鈞韶。帝座邊讓功臣。畫上凌煙。讓功臣
畫上凌煙。死無功。臣忠已全。柱乾坤正氣。懸護山河壯氣。
懸合

前腔。換頭古史。良有萬千。國史忠良。後媿前。雖然是載
入青編。雖然是載入青編。姓和名。閭閻未傳。借詞人特筆。

桂林霜

卷下

完

宣毅鸚哥慧舌言

尾聲貫穿家譜。題歌扇。歎文毅孫兒官職蹇。只愁他哭倒

西典破驛前。

十萬言從一筆書

銅絃鐵板氣難除

也知軟語情無那

其奈剛腸悶有餘

官職浮沉惟引愧

庸人壽考亦爲虛

註經原道先生假

性分文章可得如

發出根源

書後

人臣死。厥職。婦死其夫。子死其父。奴死其主。同一食祿。忠事之義。敢希。

褒卹之施。俎豆之祀乎。然。

國家教忠之典。至隆。所以激揚風節。俾事人者。洗革二心。益惇恭棐。知雖死若生。雖亡若存。其榮顯於身後。更能保世而滋大。馬氏世篤忠貞。備邀。

恩禮。惟同殉之子女。奴婢等三十五人。未叨。

矜卹。想。

桂林霜

卷下

五

國初功令。例未及此。或以慎重勲勞。隄防冒濫。未可知也。伏見我。

皇上宣威闢土。賞罰嚴明。雖至微極賤之人。苟能盡力捐軀。則。

絲綸渙汗之必及。而錄其姓名。於其妻子。使枯骸剩魄。淪浹。

仁恩于九原者。咸思結草仰報。以効犬馬未終之志。嗚呼。彼三十五人者。時命事會之遭耳。奚敢稍存遺憾歟。此篇以神道結之。人天感應。都無二致。因申論之。使。

愚賤者咸知所勵焉。辛卯六月朔日清容居士書

至



桂林霜傳奇卷下終

1
150



第三大冊

150
